

Senarai Kandungan Enakmen

Bil.	Enakmen Ibu
1.	Mineral (Selangor) Enactment 2000 Enakmen Mineral (Selangor) 2000
2.	Shah Alam City Council Enactment 2000 Enakmen Majlis Bandaraya Shah Alam 2000
3.	Water Supply (Successor Company) Enactment 2001 Enakmen Bekalan Air (Syarikat Pengganti) 2001
4.	Statutory Bodies (Discipline And Surcharge) (Selangor) Enactment 2001 Enakmen Badan-Badan Berkanun (Tatatertib Dan Surcaj) (Selangor) 2001
5.	Selangor Housing And Real Property Board Enactment 2001 Enakmen Lembaga Perumahan Dan Hartanah Selangor 2001

**MINERAL (SELANGOR)
ENACTMENT 2000**

**ENAKMEN MINERAL
(SELANGOR) 2000**

SELANGOR

ENAKMEN No. 1 tahun 2000

ENAKMEN MINERAL (SELANGOR) 2000

SUSUNAN SEKSYEN

BAHAGIAN I

PERMULAAN

eksyen

1. Tajuk ringkas, permulaan berkuat kuasa dan pemakaian.
2. Tafsiran.
3. Mineral terletak pada Pihak Berkuasa Negeri.

BAHAGIAN II

PENTADBIRAN

BAB 1

JAWATANKUASA SUMBER MINERAL NEGERI

4. Penubuhan Jawatankuasa.
5. Fungsi Jawatankuasa.
6. Mesyuarat Jawatankuasa.

BAB 2

PELANTIKAN DAN FUNGSI PEGAWAI

7. Pelantikan pegawai.
8. Fungsi Pengarah.

BAB 3

PELBAGAI

9. Perwakilan kuasa atau fungsi oleh Pihak Berkuasa Negeri.
10. Perwakilan kuasa atau fungsi oleh Pengarah.
11. Anggota dan pegawai sebagai pengkhidmat awam.

BAHAGIAN III

TENEMEN MINERAL—AM

Seksyen

12. Orang yang kepadanya tenemen mineral boleh diberikan atau dipindahmilikkan.
13. Tenemen mineral boleh diberikan ke atas tanah Kerajaan, dsb.
14. Tenemen mineral di kawasan tanah tertentu.
15. Kawasan yang ditutup kepada tenemen mineral.
16. Kawasan yang dirizabkan bagi tawaran bersaing.
17. Perisytiharan rizab mineral.
18. Pemakaian Kanun Tanah Negara.
19. Permohonan bagi pemindahmilikkan tenemen mineral.
20. Kesan kematian, pembubaran atau ketakupayaan lain di sisi undang-undang.

BAHAGIAN IV

TENEMEN MINERAL—LESEN DAN PAJAKAN

BAB 1

LESEN MEMFOSIK

21. Permohonan untuk mendapatkan lesen memfosik.
22. Syarat berkanun lesen memfosik.
23. Tempoh lesen memfosik.
24. Lesen menjadi khas untuk pemegang dan tidak boleh dipindahmilikkan.
25. Hak di bawah lesen memfosik.
26. Larangan penggunaan atau penjualan.
27. Pembatalan lesen memfosik.

BAB 2

LESEN MENDULANG

28. Permohonan untuk mendapatkan lesen mendulang.
29. Syarat berkanun lesen mendulang.
30. Tempoh lesen mendulang.
31. Lesen menjadi khas untuk pemegang dan tidak boleh

Seksyen

32. Hak di bawah lesen mendulang.
33. Penggantungan dan pembatalan lesen mendulang.

BAB 3

LESEN MELOMBONG INDIVIDU

34. Perisytiharan kawasan melombong individu.
35. Permohonan untuk mendapatkan lesen melombong individu.
36. Syarat berkanun lesen melombong individu.
37. Tempoh lesen melombong individu.
38. Lesen menjadi khas untuk pemegang dan tidak boleh dipindahmilikkan.
39. Hak di bawah lesen melombong individu.
40. Penggantungan dan pembatalan lesen melombong individu.

BAB 4

LESEN MENCARIGALI DAN LESEN PENJELAJAHAN

41. Permohonan untuk mendapatkan lesen mencarigali atau lesen penjelajahan.
42. Syarat berkanun lesen mencarigali atau lesen penjelajahan.
43. Tempoh dan pembaharuan lesen mencarigali atau lesen penjelajahan.
44. Terma atau syarat dan pengendorsan apabila lesen dibaharui.
45. Lesen mencarigali dengan peluasan batuan keras.
46. Fi pembaharuan atau peluasan.
47. Pemindahmilikan lesen mencarigali atau lesen penjelajahan.
48. Kawasan bagi lesen mencarigali atau lesen penjelajahan.
49. Hak di bawah lesen mencarigali atau lesen penjelajahan.
50. Pelepasan sukarela.
51. Permohonan untuk mendapatkan pemberian pajakan melombong oleh pemegang lesen mencarigali atau lesen penjelajahan.
52. Permulaan penjelajahan lapangan.
53. Notis penemuan.
54. Pensampelan pukal, ujian pemprosesan dan penjualan spesimen dan sampel.

Seksyen

55. Lesen mencarigali atau lesen penjelajahan hendaklah terus berkuatkuasa sehingga permohonan untuk pembaharuan ditentukan.
56. Pembatalan lesen mencarigali atau lesen penjelajahan.
57. Pengenaan denda, meremedikan kemungkiran atau pelanggaran.
58. Bila pembatalan mula berkuatkuasa.
59. Catatan dalam daftar.
60. Penyerahan lesen mencarigali atau lesen penjelajahan.
61. Sekatan ke atas permohonan untuk mendapatkan lesen mencarigali atau lesen penjelajahan.

BAB 5

PAJAKAN MELOMBONG

62. Tanah yang ke atasnya pajakan melombong boleh diberikan.
63. Permohonan untuk mendapatkan pajakan melombong.
64. Hak melombong kontinjen pada kelulusan kajian kebolehlaksanaan melombong, pelan pemulihan, dsb., diperolehi.
65. Pengukuran kawasan pajakan melombong.
66. Tempoh dan pembaharuan pajakan melombong.
67. Pemindahmilikan pajakan melombong.
68. Kawasan pajakan melombong.
69. Penerima pajak hendaklah diberikan keutamaan apabila memohon untuk mendapatkan lesen mencarigali atau lesen penjelajahan berkenaan dengan kawasan berdampingan.
70. Hak di bawah pajakan melombong.
71. Larangan.
72. Syarat berkanun pajakan melombong.
73. Pengemukaan kajian kebolehlaksanaan melombong bagi pengendalian skala besar.
74. Notis permulaan kerja pembangunan dan melombong.
75. Bila kerja pembangunan dan melombong dimulakan.
76. Tanggungan untuk dilucuthakkan.
77. Pengenaan denda, meremedikan kemungkiran atau pelanggaran.

Seksyen

78. Bila pelucuthakan mula berkuatkuasa.
79. Kesan pelucuthakan.
80. Penyerahan tanah di bawah pajakan melombong.

BAB 6

LESEN MELOMBONG TUAN PUNYA

81. Permohonan untuk mendapatkan lesen melombong tuan punya.
82. Peruntukan yang relevan mengenai pajakan melombong yang membenarkan pengendalian skala kecil hendaklah terpakai.
83. Pembatalan lesen melombong tuan punya.
84. Pengenaan denda, meremedikan kemungkiran atau pelanggaran.
85. Bila pembatalan mula berkuatkuasa.
86. Catatan dalam daftar.
87. Penyerahan lesen melombong tuan punya.

BAHAGIAN V

AKSES KE ATAS TANAH

88. Akses ke atas tanah rizab atau kawasan hutan simpanan untuk penjelajahan.
89. Akses ke tanah bermilik atau tanah pendudukan untuk penjelajahan.
90. Melombong di bawah tanah bermilik.
91. Akses ke tanah lombong di bawah tanah bermilik.

BAHAGIAN VI

PAMPASAN

92. Pampasan.
93. Deposit bagi pembayaran pampasan.

BAHAGIAN VII

OBLIGASI KEWANGAN

94. Fi pegangan dan sewa.
95. Royalti.

Seksyen

96. Nilai pasaran.
97. Harta dalam mineral.
98. Pemungutan tunggakan fi, sewa, royalti, dsb.

BAHAGIAN VIII

PERUNTUKAN MENGENAI AIR

99. Hak menggunakan air boleh menjadi tertakluk kepada lesen.
100. Permohonan untuk mendapatkan lesen air.
101. Permohonan untuk mendapatkan permit air.
102. Penggantungan sementara lesen air.
103. Penggantungan sementara permit air.
104. Pembatalan lesen air.
105. Pembatalan permit air.
106. Pengenaan denda, meremedikan kemungkiran atau pelanggaran.
107. Penyerahan lesen air dan permit air.
108. Pembatalan atau penamatan hendaklah direkodkan.
109. Rekod tentang lesen air pada hakmilik yang tersentuh.
110. Pelencongan air dari atau merentasi tanah bermilik, dsb.
111. Pengubahan atau gangguan kepada tebing sungai.
112. Pemegang tenemen mineral untuk membenarkan orang lain menggunakan air lebihan dan buangan.
113. Pengekalan standard air.
114. Peruntukan Bahagian ini hendaklah mengatasi.

BAHAGIAN IX

MEREKOD DAN PENDAFTARAN

115. Daftar tenemen mineral, lesen air, dsb.
116. Penyediaan lesen, pajakan dan permit.
117. Perihal kawasan hendaklah dilampirkan.
118. Bila lesen, permit atau pajakan mula berkuatkuasa.
119. Cara mengeluarkan lesen dan permit dan pendaftaran pajakan.

Seksyen

120. Memorial tentang pembaharuan, dsb., hendaklah dicatatkan dalam daftar.
121. Akuan penerimaan.
122. Pajak melombong yang didaftarkan hendaklah menjadi keterangan konklusif.
123. Pajak hendaklah tak boleh disangkal.
124. Kecualian berkenaan dengan pajak atau perakuan melombong.
125. Pemeriksaan daftar.

BAHAGIAN X

PEMULIHAN

126. Pelan pemulihan bagi pajak melombong yang membenarkan pengendalian skala besar.
127. Kumpulan Wang Pemulihan Lombong.
128. Ketakbayaran ke dalam Kumpulan Wang Pemulihan Lombong.
129. Kumpulan Wang Pemulihan Bersama.
130. Ketakbayaran ke dalam Kumpulan Wang Pemulihan Bersama.
131. Kehendak pemulihan apabila pajak melombong yang membenarkan pengendalian skala kecil diubah kepada pajak melombong yang membenarkan pengendalian skala besar.
132. Kehendak pemulihan apabila pajak melombong yang membenarkan pengendalian skala besar diubah kepada pajak melombong yang membenarkan pengendalian skala kecil.

BAHAGIAN XI

PENGUATKUASAAN, PENYIASATAN, KETERANGAN,
KESALAHAN DAN PENALTI

BAB I

PENGUATKUASAAN DAN PENYIASATAN

133. Penguatkuasaan oleh pegawai diberikuasa.
134. Kuasa untuk menyiasat.
135. Kuasa untuk menghendaki kehadiran orang yang mengetahui kes.

Seksyen

136. Kuasa untuk memeriksa orang yang mengetahui kes.
137. Kuasa menangkap, menyita dan menyiasat.
138. Menggeledah dengan waran.
139. Menggeledah tanpa waran.
140. Pemulangan sementara benda yang disita.
141. Pelucuthakan benda yang disita.
142. Kos memegang benda yang disita.
143. Tiada kos atau gantirugi boleh didapati berbangkit daripada penyitaan.
144. Kuasa untuk memberhentikan dan menggeledah alat pengangkutan.

BAB 2

KETERANGAN

145. Anggapan bahawa mineral adalah kepunyaan Pihak Berkuasa Negeri.
146. Perakuan tentang nilai mineral atau keluaran mineral, dsb.
147. Sampel.
148. Perakuan analisis.
149. Perlindungan informer.

BAB 3

KESALAHAN DAN PENALTI

150. Pelbagai kesalahan.
151. Penalti kerana tidak mengemukakan notis.
152. Penalti kerana melombong skala besar tanpa memperolehi kelulusan pelan yang dikehendaki.
153. Mineral yang diperolehi secara menyalahi undang-undang.
154. Penalti kerana memfosik tanpa lesen.
155. Penjualan mineral yang diperolehi di bawah lesen memfosik secara menyalahi undang-undang.
156. Penalti kerana mendulang tanpa lesen.
157. Penalti kerana menjalankan penjelajahan tanpa lesen.

Seksyen

158. Penalti kerana melombong tanpa lesen atau pajakan.
159. Penalti kerana kemungkiran terma atau syarat.
160. Pemindahan dari tanah lombong secara menyalahi undang-undang.
161. Penalti kerana tidak membayar ke dalam Kumpulan Wang Pemulihan Lombong atau Bersama.
162. Mengganggu, memindahkan, merosakkan atau memusnahkan apa-apa benda yang disita.
163. Kehilangan atau pembinasaan apa-apa benda yang disita.
164. Penalti kerana tidak mematuhi perintah atau arahan yang sah.
165. Kesalahan berkenaan dengan maklumat.
166. Menggalang pegawai diberikuasa.
167. Penggunaan maklumat sulit.
168. Penyalahgunaan kuasa.
169. Percubaan dan perubahatan.
170. Kesalahan yang dilakukan oleh pertubuhan perbadanan.
171. Kesalahan yang dilakukan oleh pekongsi, ejen atau pengkhidmat.
172. Penalti bagi kesalahan yang berterusan.
173. Penalti am.
174. Pengkompaunan kesalahan.

BAB 4

AM

175. Pemulaan prosiding dan perjalanan pendakwaan.
176. Mendapatkan wang yang kena dibayar kepada Pihak Berkuasa Negeri.

BAHAGIAN XII

PELBAGAI

177. Larangan terhadap pendedahan maklumat.
178. Larangan penyalahgunaan maklumat yang didapati atas sifat rasmi.
179. Kad kuasa.

Seksyen

180. Perlindungan pegawai.
181. Pengukuran sempadan bagi menyelesaikan pertikaian.
182. Penyampaian notis.
183. Ketakpakaian Enakmen.
184. Negeri atau ejennya boleh menjalankan penjelajahan.
185. Pemindahan kapal korek dari satu blok tanah lombong ke satu blok tanah lombong yang lain.
186. Peruntukan berhubung dengan siasatan.
187. Kuasa untuk merobohkan bangunan atau binaan.

BAHAGIAN XIII

PERATURAN-PERATURAN

188. Peraturan-peraturan.

BAHAGIAN XIV

PERUNTUKAN PEMANSUHAN, KECUALIAN
DAN PERALIHAN

189. Peruntukan pemansuhan, kecuialian dan peralihan.

JADUAL I—BORANG

JADUAL II—PERUNTUKAN KANUN TANAH NEGARA

SELANGOR

ENAKMEN No. 1 tahun 2000

BETA PERKENANKAN,

TENGGU IDRIS SHAH IBNI SULTAN
 SALAHUDDIN ABDUL AZIZ SHAH AL-HAJ,
Pemangku Raja Selangor

(MOHOR KERAJAAN)

5 Jun 2000

Suatu Enakmen untuk mengadakan peruntukan bagi tenemen mineral Negeri Selangor dan bagi maksud yang berkaitan dengannya.

*[]

MAKA INILAH DIPERBUAT UNDANG-UNDANG
 oleh Badan Perundangan Negeri Selangor seperti berikut:

BAHAGIAN I

PERMULAAN

1. (1) Enakmen ini bolehlah dinamakan Enakmen Mineral (Selangor) 2000 dan hendaklah mula berkuatkuasa pada tarikh yang ditetapkan oleh Pihak Berkuasa Negeri melalui pemberitahuan dalam *Warta*.*

Tajuk ringkas,
 permulaan
 berkuat kuasa
 dan
 pemakaian.

(2) Enakmen ini hendaklah terpakai di seluruh Negeri; bagaimanapun Pihak Berkuasa Negeri boleh melalui perintah menggantung kuatkuasa keseluruhan atau mana-mana peruntukan Enakmen ini dalam Negeri.

Tafsiran.

2. (1) Dalam Enakmen ini, melainkan jika konteksnya menghendaki makna yang lain—

“alat pengangkutan” termasuklah kapal, keretapi, kenderaan, pesawat udara dan apa-apa cara pengangkutan lain yang dengannya orang atau barang boleh dibawa;

“anggota” ertinya seseorang anggota Jawatankuasa;

“bahan batuan” ertinya apa-apa batuan, batu, marmar, kelikir, pasir, tanah, laterit, lom, lempung, tanah, lumpur, turf, gambut, batu karang, cengkerang atau guano di dalam atau di atas mana-mana tanah, dan termasuklah apa-apa batu-bata, kapur, simen atau barangan lain yang diperbuat daripadanya;

“bijih mineral” ertinya apa-apa mineral yang mempunyai faedah ekonomi yang daripadanya satu atau lebih jujuk yang bernilai boleh diperolehi secara menguntungkan melalui pengolahan;

“buangan” termasuklah apa-apa benda beban atas yang dibuang, hampas, apa-apa keluaran perantaraan daripada perlombongan atau pemprosesan mineral yang disimpan stok untuk pengendalian selanjutnya, air yang olah atau disimpan dalam perlombongan atau pemprosesan mineral, dan apa-apa bahan kimia yang dikeluarkan daripada pengendalian itu untuk sementara atau secara tetap;

“ditetapkan” ertinya ditetapkan oleh peraturan-peraturan;

“Enakmen” termasuklah semua perundangan subsidiari yang dibuat di bawahnya;

“fosik” ertinya mencari dan mengeluarkan mineral dengan menggunakan alat yang mudah dan memindahkan mineral itu sebagai sampel, spesimen atau kerja lapidari tanpa apa-apa niat untuk menjual mineral itu;

“Jawatankuasa” ertinya Jawatankuasa Sumber Mineral Negeri yang ditubuhkan di bawah seksyen 4;

“kawasan hutan simpanan” ertinya mana-mana tanah yang dijadikan atau disifatkan telah dijadikan suatu hutan simpanan kekal di bawah Akta Perhutanan Negara 1984;

“kawasan mencarigali” ertinya mana-mana tanah yang berkenaan dengannya suatu lesen mencarigali sedang berkuatkuasa;

“kawasan penjelajahan” ertinya mana-mana tanah yang berkenaan dengannya suatu lesen penjelajahan sedang berkuatkuasa;

“kerja pembangunan” ertinya apa-apa kerja yang dijalankan berhubungan dengan pembinaan fizikal sesuatu lombong;

“Lembaga” berhubungan dengan Bahagian VIII Enakmen ini, ertinya Lembaga Urus Air Selangor yang ditubuhkan di bawah seksyen 3 Enakmen Lembaga Urus Air Selangor 1999; *En. 2/99.*

“lesen air” ertinya suatu lesen air yang dikeluarkan di bawah seksyen 100;

“lesen melombong individu” ertinya suatu lesen melombong individu yang dikeluarkan di bawah seksyen 35;

“lesen melombong tuan punya” ertinya suatu lesen melombong tuan punya yang dikeluarkan di bawah seksyen 81;

“lesen memfosik” ertinya suatu lesen memfosik yang dikeluarkan di bawah seksyen 21;

“lesen mencarigali” ertinya suatu lesen mencarigali yang dikeluarkan di bawah seksyen 41 dan termasuklah suatu lesen mencarigali dengan peluasan batuan keras, mengikut kehendak konteks;

“lesen mendulang” ertinya suatu lesen mendulang yang dikeluarkan di bawah seksyen 28;

“lesen penjelajahan” ertinya suatu lesen penjelajahan yang dikeluarkan di bawah seksyen 41;

“lombong”, apabila digunakan sebagai kata nama, ertinya mana-mana tempat, korekan atau pengerjaan yang di dalamnya, di atasnya atau dengannya apa-apa pengendalian berkaitan dengan perlombongan sedang

dijalankan bersama-sama dengan semua bangunan, premis, binaan, reservoir air, kolam hampas, buangan, lambakan lain dan perkakas yang dipunyai atau bersangkutan dengannya di atas atau di bawah tanah atau di dalam atau di bawah laut bagi maksud mendapatkan, memperolehi atau mengeluarkan apa-apa mineral dengan apa-apa cara atau kaedah atau bagi maksud meriau, mengolah atau menyediakan bijih mineral;

“melombong” ertinya dengan sengaja mendapatkan mineral dan termasuklah apa-apa pengendalian secara langsung atau tak langsung dan yang perlu baginya atau yang bersampingan dengannya, dan “perlombongan” hendaklah ditafsirkan dengan sewajarnya;

“mendulang” ertinya mencuci atau mengayak dengan kuali, dulang atau sadak bagi maksud memperolehi mineral;

“menjelajah” ertinya mencari mendapan mineral dan termasuklah mencarigali;

“mineral” ertinya apa-apa bahan sama ada dalam bentuk pepejal, cecair atau bergas yang terjadi—

- (a) dengan cara semulajadi;
- (b) hasil daripada perlombongan di dalam atau di atas tanah; atau
- (c) hasil daripada perlombongan di dalam atau di bawah laut atau dasar laut,

yang terbentuk oleh atau tertakluk kepada suatu proses geologi tetapi tidaklah termasuk air, “bahan batuan” sebagaimana ditafsirkan dalam Kanun Tanah Negara dan “petroleum” sebagaimana ditafsirkan dalam Akta Melombong Petroleum 1966;

Akta 56/1965.

Akta 95.

“notis” termasuklah apa-apa pemberitahuan, taksiran, suratcara atau dokumen lain yang dibenarkan atau dikehendaki oleh Enakmen ini supaya disampaikan kepada mana-mana orang atau badan;

“olah” ertinya menjadi tertakluk kepada apa-apa proses yang berlaku perubahan kimia atau fizikal dalam bahan yang ditaklukkan kepada proses itu;

“orang sebenar” tidaklah termasuk seseorang orang belum dewasa;

“pajakan melombong” ertinya suatu pajakan melombong yang diberikan di bawah seksyen 63 dan suatu pajakan melombong yang diberikan atau dikeluarkan di bawah mana-mana undang-undang bertulis terdahulu yang berhubungan dengan perlombongan;

“pegawai diberikuasa” ertinya Pengarah, Penguasa Lombong, Pentadbir Tanah dan mana-mana pegawai lain yang diberikuasa sewajarnya secara bertulis oleh Pihak Berkuasa Negeri;

“Pegawai Penempatan” ertinya Pegawai Penempatan yang dilantik di bawah seksyen 12 Kanun Tanah Negara;

“pegawai polis” mempunyai erti yang diberikan kepadanya dalam Akta Polis 1967;

Akta 344.

“Pegawai Ukur” ertinya Ketua Pengarah Ukur atau mana-mana Pegawai Ukur yang dilantik di bawah seksyen 12 Kanun Tanah Negara;

“pelan pemulihan lombong” ertinya suatu pelan pemulihan yang diluluskan di bawah seksyen 126;

“pemunya”, berhubungan dengan mana-mana tanah, ertinya—

- (a) tuan punya berdaftar tanah itu;
- (b) mana-mana orang atau badan yang mempunyai kepentingan berdaftar yang menyentuh tanah itu (termasuklah suatu gadaian apa-apa pajakan atau pajakan kecil tanah itu);
- (c) mana-mana orang atau badan yang mempunyai lien ke atas tanah itu, atau ke atas apa-apa pajakan atau pajakan kecil tanah itu;

- (d) mana-mana orang atau badan yang mempunyai tuntutan di bawah suatu penyewaan yang dikecualikan daripada pendaftaran yang telah menjadi terlindung oleh suatu pengendorsan dalam daftar dokumen hakmilik pada tanah itu;
- (e) mana-mana orang atau badan yang mempunyai tuntutan yang dilindungi oleh kaveat yang menyentuh tanah itu atau apa-apa kepentingan dalamnya; dan
- (f) mana-mana orang yang mempunyai pendudukan atau kawalan yang sah ke atas tanah itu atau yang padanya tanah itu terletak.

“Pendaftar” ertinya Pendaftar Hakmilik yang dilantik di bawah seksyen 12 Kanun Tanah Negara dan termasuklah Timbalan Pendaftar Hakmilik;

“Pengarah” ertinya Pengarah Tanah dan Galian Negeri yang dilantik di bawah seksyen 12 Kanun Tanah Negara dan termasuklah Timbalan Pengarah Tanah dan Galian yang dilantik di bawahnya;

“pengendalian melombong” ertinya agregat semua lombong, termasuk buangan dan lambakan hampas, yang dikendalikan atau dirancangkan berhubungan dengan tanah lombong;

“pengendalian skala besar” ertinya suatu pengendalian melombong di dalam kawasan pajakan melombong—

- (a) yang melebihi mana-mana had pengeluaran yang berikut:
 - (i) dalam hal pengeluaran mineral terutamanya daripada mendapan jenis aluvium, jumlah lepas lombong tahunan sebanyak 3.5 juta meter padu setahun;
 - (ii) dalam hal pengendalian melombong bawah tanah, pengeluaran tahunan tergabung bijih suapan kempa, buangan dan beban atas sebanyak 100,000 tan setahun (benda buangan yang tidak keluar melalui mulut lombong hendaklah dikecualikan); atau

- (iii) dalam hal pengendalian melombong dedaah yang mengeluarkan mineral terutamanya daripada mendapan bukan jenis aluvium, pengeluaran tahunan tergabung bijih suapan kempa, buangan dan beban atas sebanyak 300,000 tan setahun;
- (b) dengan modal dan pelaburan infrastruktur melebihi satu ratus lima puluh juta ringgit;
- (c) dengan lebih daripada 250 pekerja atau orang bergaji berada di tapak lombong pada hari biasa (termasuk semua syif); atau
- (d) yang menggunakan mana-mana amalan melombong yang berikut:
 - (i) penggunaan bahan letupan yang meluas dan berterusan;
 - (ii) litar pengapungan yang berterusan; atau
 - (iii) penggunaan bahan kimia atau agen toksik yang meluas dan berterusan;

“pengendalian skala kecil” ertinya suatu pengendalian melombong selain daripada pengendalian skala besar;

“Pengerusi” ertinya Pengerusi Jawatankuasa yang dilantik di bawah seksyen 4;

“Penguasa Lombong” ertinya Penguasa Lombong yang dilantik di bawah seksyen 7;

“pengukuran sempadan” ertinya suatu pengukuran tanah di bawah Bahagian Dua puluh Sembilan Kanun Tanah Negara;

“penilaian kesan alam sekeliling” ertinya suatu laporan yang dibuat mengikut garis panduan yang disiarkan oleh Ketua Pengarah Kualiti Alam Sekeliling yang dilantik di bawah seksyen 3 Akta Kualiti Alam Sekeliling 1974. *Akta 127.*

yang mengandungi suatu penilaian mengenai kesan sesuatu pengendalian melombong yang akan atau yang mungkin akan berlaku kepada alam sekeliling dan langkah yang dicadangkan yang akan diambil untuk mencegah, mengurangkan atau mengawal kesan itu kepada alam sekeliling;

“Pentadbir Tanah” ertinya Pentadbir Tanah Daerah yang dilantik di bawah seksyen 12 Kanun Tanah Negara dan termasuklah Penolong Pentadbir Tanah yang dilantik di bawahnya; dan berhubungan dengan Enakmen ini, sebutan mengenai Pentadbir Tanah hendaklah ditafsirkan sebagai sebutan mengenai Pentadbir Tanah, atau mana-mana Penolong Pentadbir Tanah, yang mempunyai bidang kuasa di dalam daerah atau daerah kecil di mana tenemen mineral itu terpakai;

“perlembagaan”, berhubungan dengan suatu syarikat, ertinya memorandum dan perkara persatuan syarikat itu;

“permit air” ertinya suatu permit air yang dikeluarkan di bawah seksyen 101;

“Pihak Berkuasa Negeri” ertinya Raja atau Majlis Mesyuarat Kerajaan Negeri, mengikut mana-mana yang berkenaan;

“sampel” ertinya sesuatu pecahan benda yang terjadi dengan cara semulajadi yang disifatkan sebagai menunjukkan jisim yang daripadanya ia menjadi sebahagian;

“spesimen” ertinya sesuatu pecahan benda yang terjadi dengan cara semulajadi yang tidak semestinya merupakan jisim yang daripadanya ia menjadi sebahagian;

“tanah berimilik” ertinya mana-mana tanah (termasuk mana-mana petak bagi bangunan yang dipecah bahagi) yang berkenaan dengannya suatu hakmilik berdaftar wujud pada masa ini, sama ada tetap atau sementara, sama ada

berkekalan atau bagi tempoh beberapa tahun, dan sama ada diberikan oleh Pihak Berkuasa Negeri di bawah Kanun Tanah Negara atau pada menjalankan kuasa yang diberikan oleh mana-mana undang-undang tanah yang terdahulu, tetapi tidak termasuk tanah lombong;

“tanah lombong” ertinya mana-mana tanah yang berkenaan dengannya suatu pajakan melombong atau lesen melombong tuan punya sedang berkuatkuasa;

“tanah pendudukan” ertinya mana-mana tanah Kerajaan yang diduduki dengan sah, atau terletak pada mana-mana orang, di bawah mana-mana undang-undang bertulis;

“tanah rizab” ertinya tanah yang pada masa ini dirizabkan bagi maksud awam di bawah Kanun Tanah Negara atau mana-mana undang-undang tanah yang terdahulu;

“tenemen mineral” ertinya suatu lesen memfosik, lesen mendulang, lesen melombong individu, lesen mencarigali, lesen penjelajahan, pajakan melombong, lesen melombong tuan punya, atau mana-mana daripadanya bagi maksud penjelajahan atau perlombongan mineral atau bijih mineral, mengikut mana-mana yang berkenaan.

(2) Tertakluk kepada subseksyen (1) dan melainkan jika konteksnya menghendaki makna yang lain, segala perkataan dan ungkapan yang digunakan dalam Enakmen ini yang ditafsirkan dalam Kanun Tanah Negara hendaklah disifatkan mempunyai erti yang diberikan kepadanya oleh Kanun itu.

3. Maka adalah dan hendaklah terletak secara tunggal pada Pihak Berkuasa Negeri segala mineral di dalam atau di atas mana-mana tanah, termasuklah seberapa banyak daripada dasar mana-mana sungai, dan dari pesisiri pantai depan dan dasar laut, yang terdapat di dalam wilayah Negeri atau had perairan wilayah jika ia tidak dilupuskan secara khusus oleh Pihak Berkuasa Negeri mengikut peruntukan Enakmen ini atau mana-mana undang-undang bertulis lain.

Mineral terletak pada Pihak Berkuasa Negeri.

BAHAGIAN II
PENTADBIRAN

BAB 1

JAWATANKUASA SUMBER MINERAL NEGERI

Penubuhan
Jawatankuasa.

4. (1) Maka hendaklah ditubuhkan suatu jawatankuasa yang dikenali sebagai Jawatankuasa Sumber Mineral Negeri.

(2) Jawatankuasa hendaklah terdiri daripada anggota yang berikut:

- (a) seorang Pengerusi yang hendaklah dilantik oleh Pihak Berkuasa Negeri;
- (b) Pengarah yang hendaklah menjadi Setiausaha;
- (c) Penasihat Undang-Undang Negeri atau wakilnya yang diberi kuasa;
- (d) Pengarah Unit Perancangan Ekonomi Negeri atau wakilnya yang diberi kuasa;
- (e) Ketua Pengarah Jabatan Mineral dan Geosains atau wakilnya yang diberikuasa;
- (f) Ketua Pengarah Kualiti Alam Sekeliling atau wakilnya yang diberikuasa;
- (g) Pengarah Perhutanan Negeri atau wakilnya yang diberikuasa;
- (h) Pengarah Lembaga Urus Air Selangor atau wakilnya yang diberi kuasa; dan
- (i) tiga anggota lain yang hendaklah dilantik oleh Pihak Berkuasa Negeri:

Dengan syarat bahawa jika Pihak Berkuasa Negeri melantik mana-mana orang yang dinyatakan dalam perenggan (b), (c), (d), (e), (f), (g), atau (h) sebagai

Pengerusi, ia hendaklah melantik empat anggota di bawah perenggan ini.

(3) Seseorang anggota yang dilantik di bawah perenggan (2)(a) atau (2)(i) hendaklah, melainkan jika dia terlebih dahulu meletakkan jawatan atau pelantikannya telah dibatalkan, memegang jawatan selama tempoh tiga tahun.

(4) Pelantikan anggota di bawah perenggan (2)(a) dan (2)(i) hendaklah disiarkan dalam *Warta*.

(5) Pihak Berkuasa Negeri boleh melantik mana-mana anggota yang difikirkannya sesuai untuk menjalankan fungsi Pengerusi selama tempoh Pengerusi itu, atas apa-apa sebab, tidak dapat menjalankan fungsinya, atau selama tempoh apa-apa kekosongan dalam jawatan Pengerusi, dan anggota itu hendaklah, selama tempoh dia menjalankan fungsi Pengerusi di bawah seksyen ini, disifatkan sebagai Pengerusi.

5. Jawatankuasa hendaklah—

Fungsi
Jawatankuasa.

(a) melaksanakan apa-apa fungsi yang diberikan atau dikenakan ke atasnya di bawah Enakmen ini; dan

(b) melaksanakan apa-apa fungsi lain yang ditentukan oleh Pihak Berkuasa Negeri dari semasa ke semasa.

6. (1) Jawatankuasa hendaklah bermesyuarat seberapa kerap yang perlu untuk melaksanakan fungsinya.

Mesyuarat
Jawatankuasa.

(2) Pada mana-mana mesyuarat Jawatankuasa, Pengerusi dan empat anggota lain hendaklah membentuk kuorum.

(3) Tiap-tiap mesyuarat Jawatankuasa hendaklah dipengerusikan oleh Pengerusi.

(4) Jika atas apa-apa persoalan yang hendak ditentukan terdapat persamaan undi, Pengerusi hendaklah mempunyai undi pemutus.

(5) Tertakluk kepada Enakmen ini, Jawatankuasa hendaklah menentukan prosedurnya sendiri.

BAB 2

PELANTIKAN DAN FUNGSI PEGAWAI

Pelantikan
pegawai.

7. (1) Pihak Berkuasa Negeri boleh melantik—

- (a) seorang Penguasa Lombong; dan
- (b) mana-mana pegawai lain yang perlu bagi pentadbiran yang sewajarnya Enakmen ini,

(2) Pelantikan mana-mana pegawai di bawah subseksyen (1) hendaklah disiarkan dalam *Warta*.

Fungsi
Pengarah.

8. Pengarah hendaklah—

- (a) bertanggungjawab kepada Pihak Berkuasa Negeri bagi pentadbiran yang sewajarnya Enakmen;
- (b) menjalankan kawalan dan penyeliaan am ke atas semua pegawai yang bertanggungjawab bagi pentadbiran Enakmen ini;
- (c) menyebabkan disediakan, dilaksanakan dan dikaji semula dari semasa ke semasa suatu program bagi pengurusan tenemen mineral;
- (d) menyebabkan disediakan suatu laporan tahunan mengenai penjelajahan dan perlombongan dalam tahun kalendar sebelumnya dan mengemukakan laporan itu kepada Pihak Berkuasa Negeri sebelum 30 Jun setiap tahun; dan
- (e) melaksanakan apa-apa fungsi lain yang ditentukan oleh Pihak Berkuasa Negeri dari semasa ke semasa.

BAB 3

PELBAGAI

9. Pihak Berkuasa Negeri boleh, melalui pemberitahuan dalam *Warta*, mewakili kepada Pengarah perjalanan atau pelaksanaan, tertakluk kepada apa-apa syarat, batasan atau sekatan yang ditetapkan dalam pemberitahuan itu, mana-mana kuasa atau fungsinya di bawah Enakmen ini:

Pewakilan
kuasa atau
fungsi oleh
Pihak
Berkuasa
Negeri.

Dengan syarat bahawa—

- (a) seksyen ini tidaklah terpakai bagi mana-mana kuasa atau fungsi Pihak Berkuasa Negeri di bawah Enakmen ini untuk membuat peraturan-peraturan; dan
- (b) apa-apa pemberitahuan yang diberikan di bawah seksyen ini berkenaan dengan mana-mana kuasa atau fungsi tidaklah menghalang Pihak Berkuasa Negeri daripada menjalankan atau melaksanakan kuasa atau fungsi yang diwakilkan itu sendiri dalam apa-apa hal jika didapati oleh Pihak Berkuasa Negeri bermanfaat berbuat demikian.

10. Tertakluk kepada mana-mana undang-undang bertulis yang sedang berkuatkuasa, Pengarah boleh, secara bertulis, mewakili kepada mana-mana Pendaftar, Timbalan Pendaftar, Pentadbir Tanah, Penolong Pentadbir Tanah, Pegawai Penempatan atau pegawai lain yang dilantik di bawah Enakmen ini, perjalanan atau pelaksanaan, tertakluk kepada apa-apa syarat, batasan atau sekatan yang diperuntukkan dalam suratcara perwakilan itu, mana-mana kuasa atau fungsinya di bawah Enakmen ini:

Pewakilan
kuasa atau
fungsi oleh
Pengarah.

Dengan syarat bahawa mana-mana perwakilan di bawah seksyen ini berkenaan dengan mana-mana kuasa atau fungsi tidaklah menghalang Pengarah daripada menjalankan atau melaksanakan kuasa atau fungsi yang diwakilkan itu sendiri dalam apa-apa hal jika didapatinya bermanfaat berbuat demikian.

Anggota dan pegawai sebagai pengkhidmat awam.
N.M.B.
Bab 45.

11. Anggota dan pegawai yang dilantik di bawah Bahagian ini hendaklah disifatkan sebagai pengkhidmat awam mengikut pengertian Kanun Keseksaan.

BAHAGIAN III

TENEMEN MINERAL—AM

Orang yang kepadanya tenemen mineral boleh diberikan atau dipindahmilikkan.

12. (1) Tertakluk kepada Enakmen ini, sesuatu tenemen mineral hanya boleh diberikan atau dipindahmilikkan kepada—

- (a) seseorang orang sebenar;
- (b) sesuatu syarikat yang diperbadankan di bawah undang-undang yang relevan berhubungan dengan syarikat dan dibenarkan oleh perlembagaannya untuk memegang tanah lombong;
- (c) sesuatu badan atau badan berkanun yang diberikuasa untuk memegang tanah atau tanah lombong di bawah mana-mana undang-undang bertulis lain; atau
- (d) sesuatu syarikat asing sebagaimana yang ditafsirkan dalam undang-undang yang relevan berhubungan dengan syarikat dan didaftarkan sedemikian di bawah undang-undang tersebut dan dibenarkan oleh perlembagaannya untuk memegang tanah lombong.

(2) Tertakluk kepada Enakmen ini, mana-mana orang boleh diberikan lebih daripada satu tenemen mineral.

Tenemen mineral boleh diberikan ke atas tanah Kerajaan, dsb.

13. Kecuali sebagaimana yang diperuntukkan selainnya dalam mana-mana undang-undang bertulis dan tertakluk kepada Enakmen ini, suatu tenemen mineral boleh diberikan ke atas mana-mana tanah Kerajaan, tanah bermilik, tanah pendudukan, tanah rizab atau kawasan hutan simpanan.

14. Pihak Berkuasa Negeri boleh, bagi pengeluaran mana-mana tenemen mineral, melalui pemberitahuan dalam *Warta*—

Tenemen mineral di kawasan tanah tertentu.

- (a) menghendaki suatu pemakaian prosedur khas; dan
- (b) menghendaki syarat khas,

dipatuhi berkenaan dengan kawasan tanah tertentu atau kawasan tanah yang tertakluk kepada jenis penggunaan tanah yang tertentu yang sedia ada.

15. Pihak Berkuasa Negeri boleh, melalui pemberitahuan dalam *Warta*, menetapkan kawasan di mana tiada tenemen mineral boleh diberikan.

Kawasan yang ditutup kepada tenemen mineral.

16. Pihak Berkuasa Negeri boleh, melalui pemberitahuan dalam *Warta*, menentukan mana-mana kawasan di mana persaingan sesuatu tenemen mineral hendaklah diberikan berdasarkan tawaran persaingan.

Kawasan yang dirizabkan bagi tawaran persaingan.

17. (1) Pihak Berkuasa Negeri boleh, melalui pemberitahuan dalam *Warta*—

Perisytiharan rizab mineral.

- (a) mengisytiharkan mana-mana tanah yang tidak tertakluk kepada perizaban di bawah mana-mana undang-undang bertulis sebagai suatu rizab mineral; dan
- (b) menentukan jenis aktiviti yang tidak dibenarkan bagi maksud merizabkan tanah itu bagi tenemen mineral.

(2) Pihak Berkuasa Negeri boleh pada bila-bila masa, melalui pemberitahuan dalam *Warta*, mengubah atau membatalkan sesuatu rizab mineral keseluruhannya atau sebahagiannya.

18. (1) Peruntukan Kanun Tanah Negara yang dinyatakan dalam Jadual II hendaklah, dengan apa-apa pengubahsuaian yang perlu dan khususnya sebagaimana yang dinyatakan dalam subseksyen (2), terpakai berhubungan dengan mana-mana tanah lombong dan bagi

Pemakaian Kanun Tanah Negara.

apa-apa dokumen yang dikeluarkan berkenaan dengan mana-mana pajakan melombong.

(2) Melainkan jika konteksnya menghendaki makna yang lain, peruntukan Kanun Tanah Negara yang disebut dalam subseksyen (1) hendaklah terpakai berhubungan dengan pajakan melombong sebagaimana ia terpakai bagi hakmilik Pejabat Pendaftaran yang ditafsirkan dalam Kanun itu, tertakluk kepada ubahsuaian am yang berikut:

- (a) sebutan mengenai Kanun hendaklah dianggap sebagai sebutan mengenai Enakmen ini;
- (b) sebutan mengenai pemberimilikan tanah di bawah Kanun hendaklah dianggap sebagai sebutan mengenai pemberian pajakan melombong;
- (c) sebutan mengenai dokumen hakmilik sementara dan dokumen hakmilik tetap hendaklah dianggap sebagai sebutan mengenai dokumen pajakan melombong;
- (d) sebutan mengenai tuan punya hendaklah dianggap sebagai sebutan mengenai penerima pajak;
- (e) sebutan mengenai Pentadbir Tanah hendaklah dianggap sebagai sebutan mengenai Pengarah;
- (f) sebutan mengenai Pendaftar hendaklah dianggap sebagai sebutan mengenai Pengarah;
- (g) sebutan mengenai Pejabat Pendaftaran dan Pejabat Tanah hendaklah dianggap sebagai sebutan mengenai Pejabat Pengarah Tanah dan Galian Negeri;
- (h) sebutan mengenai tanah berimilik hendaklah dianggap sebagai sebutan mengenai tanah lombong;
- (i) sebutan mengenai daftar dokumen hakmilik hendaklah dianggap sebagai sebutan mengenai dokumen pajakan melombong.

19. (1) Sesuatu permohonan bagi pemindahmilikan suatu tenemen mineral hendaklah dibuat kepada Pihak Berkuasa Negeri dalam bentuk yang ditetapkan.

Permohonan bagi pemindahmilikan tenemen mineral.

(2) Apabila permohonan di bawah subseksyen (1) diterima, Pihak Berkuasa Negeri hendaklah merujuk permohonan itu kepada Jawatankuasa untuk mendapatkan syornya.

(3) Jawatankuasa hendaklah, dalam menimbang permohonan itu bagi maksud membuat syornya, mengambil kira kelayakan yang disebut—

- (a) dalam hal suatu lesen mencarigali atau lesen penjelajahan, dalam perenggan 41(3)(b);
- (b) dalam hal suatu pajakan melombong, dalam perenggan 63(4)(b); dan
- (c) dalam hal suatu lesen melombong tuan punya, dalam perenggan 81(5)(b).

(4) Jawatankuasa hendaklah, dengan seberapa segera yang praktik selepas menimbang permohonan itu, menghantar syornya kepada Pihak Berkuasa Negeri.

(5) Apabila menerima syor Jawatankuasa di bawah subseksyen (4), Pihak Berkuasa Negeri boleh meluluskan atau menolak permohonan itu sama ada atau tidak Jawatankuasa mengesyorkan supaya permohonan itu diluluskan atau ditolak.

(6) Pemindahmilikan sesuatu tenemen mineral hendaklah berkuatkuasa—

- (a) apabila dibayar fi yang ditetapkan; dan
- (b) apabila pemindahmilikan itu dicatatkan dalam daftar yang berkenaan menurut seksyen 120.

20. (1) Mana-mana lesen memfosik, lesen mendulang dan lesen melombong individu hendaklah tamat di atas kematian atau ketakupayaan lain di sisi undang-undang pemegang lesen itu.

Kesau kematian, pembubaran atau ketakupayaan lain di sisi undang-undang.

(2) Peruntukan seksyen 19 hendaklah terpakai berkenaan dengan suatu pemindahmilikan mana-mana lesen mencarigali, lesen penjelajahan dan pajakan melombong di atas kematian, pembubaran atau ketakupayaan lain di sisi undang-undang pemegang tenemen mineral itu.

BAHAGIAN IV

TENEMEN MINERAL—LESEN DAN PAJAKAN

BAB 1

LESEN MEMFOSIK

Permohonan
untuk
mendapatkan
lesen
memfosik.

21. (1) Tiada seorang pun selain daripada seseorang orang sebenar boleh memohon untuk mendapatkan suatu lesen memfosik.

(2) Sesuatu permohonan untuk mendapatkan suatu lesen memfosik hendaklah dibuat kepada Pengarah dalam bentuk yang ditetapkan.

(3) Tiada lesen memfosik boleh diberikan di mana-mana kawasan—

(a) jika Pihak Berkuasa Negeri melalui pemberitahuan dalam *Warta* telah memerintahkan supaya ditutup bagi pemfosikan;

(b) di dalam mana-mana tanah rizab;

(c) di dalam mana-mana kawasan mencarigali atau penjelajahan tanpa kebenaran bertulis pemegang lesen mencarigali atau lesen penjelajahan itu; atau

(d) di dalam mana-mana tanah bermilik, tanah pendudukan atau tanah lombong tanpa kebenaran bertulis pemunya atau penerima pajak itu.

(4) Apabila permohonan di bawah subseksyen (2) diterima, Pengarah boleh memberi atau enggan memberi lesen itu dan keputusannya adalah muktamad.

(5) Jika permohonan untuk mendapatkan suatu lesen memfosik diluluskan, lesen itu hendaklah dikeluarkan

dalam Borang A sebagaimana yang dinyatakan dalam Jadual I, apabila dibayar fi yang ditetapkan, dan hendaklah tertakluk kepada apa-apa terma atau syarat yang dinyatakan dalamnya atau yang ditetapkan.

22. Adalah menjadi suatu syarat bagi tiap-tiap lesen memfosik yang diberikan di bawah Enakmen ini bahawa pemegang lesen itu—

Syarat
berkanun
lesen
memfosik.

(a) hendaklah membawa lesen itu dengannya apabila terlibat dalam aktiviti yang dinyatakan dalamnya dan mengemukakan lesen itu apabila dikehendaki dengan sah; dan

(b) tidak menggunakan peralatan yang dikendalikan dengan kuasa untuk mendapatkan mineral.

23. Suatu lesen memfosik hendaklah sah selama tempoh tidak melebihi satu tahun dan tidak boleh dibaharui.

Tempoh
lesen
memfosik.

24. Suatu lesen memfosik hendaklah menjadi khas untuk pemegangnya dan tidak boleh dipindahmilikkan.

Lesen
menjadi khas
untuk
pemegang
dan tidak
boleh dipin-
dahmilikkan.

25. Suatu lesen memfosik hendaklah, tertakluk kepada Enakmen ini dan kepada terma atau syarat yang dinyatakan dalam lesen itu memberi pemegangnya hak memfosik apa-apa mineral di dalam kawasan yang dinyatakan dalamnya.

Hak di
bawah lesen
memfosik.

26. Tiada mineral yang diperolehi di bawah suatu lesen memfosik boleh digunakan bagi sesuatu maksud perdagangan atau perindustrian, atau dijual.

Larangan
penggunaan
atau
penjualan.

27. (1) Pengarah boleh, melalui notis secara bertulis, membatalkan suatu lesen memfosik yang dikeluarkan di bawah seksyen 21 jika dia berpuas hati bahawa pemegang lesen itu—

Pembatalan
lesen
memfosik.

(a) telah memungkirkan mana-mana terma atau syarat yang dinyatakan dalam lesen itu; atau

(b) telah melanggar mana-mana peruntukan Enakmen ini.

(2) Keputusan Pengarah untuk membatalkan suatu lesen memfosik di bawah seksyen ini adalah muktamad.

(3) Jika suatu lesen memfosik telah dibatalkan di bawah subseksyen (1), pemegang lesen itu hendaklah dengan serta-merta menyerahkan lesen itu kepada Pengarah.

BAB 2

LESEN MENDULANG

Permohonan
untuk
mendapatkan
lesen
mendulang.

28. (1) Tiada seorang pun selain daripada seseorang orang sebenar boleh memohon untuk mendapatkan suatu lesen mendulang.

(2) Sesuatu permohonan untuk mendapatkan suatu lesen mendulang hendaklah dibuat kepada Pengarah dalam bentuk yang ditetapkan.

(3) Tiada lesen mendulang boleh diberikan di mana-mana kawasan—

(a) jika Pihak Berkuasa Negeri melalui pemberitahuan dalam *Warta* telah memerintahkan supaya ditutup bagi pendulangan mineral;

(b) di dalam mana-mana tanah rizab;

(c) di dalam mana-mana kawasan mencarigali atau penjelajahan tanpa kebenaran bertulis pemegang lesen mencarigali atau lesen penjelajahan itu; atau

(d) di dalam mana-mana tanah bermilik, tanah pendudukan atau tanah lombong tanpa kebenaran bertulis pemunya atau penerima pajak itu.

(4) Apabila permohonan di bawah subseksyen (2) diterima, Pengarah boleh memberi atau enggan memberi lesen itu dan keputusannya adalah muktamad.

(5) Jika permohonan untuk mendapatkan suatu lesen mendulang diluluskan, lesen itu hendaklah dikeluarkan dalam Borang B yang dinyatakan dalam Jadual I, apabila dibayar fi yang ditetapkan, dan hendaklah tertakluk kepada apa-apa terma atau syarat yang dinyatakan dalamnya atau yang ditetapkan.

(6) Pengarah hendaklah mempunyai kuasa untuk menutup pada bila-bila masa mana-mana kawasan yang tidak diperintahkan supaya ditutup di bawah perenggan (3)(a) bagi pendulangan mineral.

29. Adalah menjadi suatu syarat bagi tiap-tiap lesen mendulang yang diberikan di bawah Enakmen ini bahawa pemegang lesen itu—

Syarat
berkanun
lesen
mendulang.

- (a) hendaklah membawa lesen itu dengannya apabila terlibat dalam aktiviti yang dinyatakan dalamnya dan mengemukakan lesen itu apabila dikehendaki dengan sah;
- (b) hendaklah membayar royalti yang kena dibayar di bawah lesen itu; dan
- (c) tidak menggunakan peralatan yang dikendalikan dengan kuasa bagi mendapatkan mineral.

30. Suatu lesen mendulang hendaklah sah selama tempoh tidak melebihi satu tahun dan tidak boleh dibaharui.

Tempoh
lesen
mendulang.

31. Suatu lesen mendulang hendaklah menjadi khas untuk pemegangnya dan tidak boleh dipindahmilikkan.

Lesen
menjadi khas
untuk
pemegang
dan tidak
boleh dipin-
dahmilikkan.

32. Suatu lesen mendulang hendaklah, tertakluk kepada Enakmen ini dan kepada terma atau syarat yang dinyatakan dalam lesen itu memberi pemegangnya hak

Hak di
bawah lesen
mendulang.

- (b) menyimpan, mengangkut atau menjual mineral yang didulang dan untuk membuang apa-apa buangan,

di dalam kawasan yang dinyatakan dalamnya.

Penggantungan dan pembatalan lesen mendulang.

33. (1) Pengarah boleh pada bila-bila masa yang difikirkannya perlu menggantung sementara secara kolektif, bagi suatu tempoh tidak melebihi enam puluh hari, hak semua pemegang lesen mendulang untuk menjalankan pengendalian mendulang di mana-mana kawasan.

(2) Pengarah boleh, melalui notis secara bertulis, membatalkan suatu lesen mendulang yang dikeluarkan di bawah seksyen 28 jika dia berpuas hati bahawa pemegang lesen itu—

- (a) telah memungkirkan mana-mana terma atau syarat yang dinyatakan dalam lesen itu; atau
- (b) telah melanggar mana-mana peruntukan Enakmen ini.

(3) Keputusan Pengarah untuk menggantung atau membatalkan suatu lesen mendulang di bawah seksyen ini adalah muktamad.

(4) Jika suatu lesen mendulang telah dibatalkan di bawah subseksyen (2), pemegang lesen itu hendaklah dengan serta-merta menyerahkan lesen itu kepada Pengarah.

BAB 3

LESEN MELOMBONG INDIVIDU

Perisytiharan kawasan melombong individu.

34. (1) Pihak Berkuasa Negeri boleh, melalui pemberitahuan dalam *Warta*, mengisytiharkan mana-mana tanah Kerajaan menjadi suatu kawasan melombong

yang sama, mengubah atau membatalkan mana-mana perisytiharan itu.

(2) Tiada lesen melombong individu boleh diberikan di mana-mana kawasan selain daripada suatu kawasan yang diisytiharkan sebagai kawasan melombong individu di bawah subseksyen (1).

(3) Jika perisytiharan demikian dibatalkan di bawah subseksyen (1), mana-mana lesen melombong individu yang diberikan di kawasan lesen melombong individu hendaklah disifatkan telah dibatalkan.

35. (1) Tiada seorang pun selain daripada seseorang orang sebenar boleh memohon untuk mendapatkan suatu lesen melombong individu.

Permohonan untuk mendapatkan lesen melombong individu.

(2) Sesuatu permohonan untuk mendapatkan suatu lesen melombong individu hendaklah dibuat kepada Pengarah dalam bentuk yang ditetapkan.

(3) Apabila permohonan di bawah subseksyen (2) diterima, Pengarah boleh memberi atau enggan memberi lesen itu dan keputusannya adalah muktamad.

(4) Jika permohonan untuk mendapatkan suatu lesen melombong individu diluluskan, lesen itu hendaklah dikeluarkan dalam Borang C yang dinyatakan dalam Jadual I, apabila dibayar fi yang ditetapkan, dan hendaklah tertakluk kepada apa-apa terma atau syarat yang dinyatakan dalamnya atau yang ditetapkan.

36. Adalah menjadi suatu syarat bagi tiap-tiap lesen melombong individu yang diberikan di bawah Enakmen ini bahawa pemegang lesen itu—

Syarat berkanun lesen melombong individu.

(a) hendaklah membawa lesen itu dengannya apabila terlibat dalam aktiviti yang dinyatakan dalamnya dan mengemukakan lesen itu apabila dikehendaki

Tempoh lesen melombong individu.

37. Suatu lesen melombong individu hendaklah sah selama tempoh tidak melebihi satu tahun dan tidak boleh dibaharui.

Lesen menjadi khas untuk pemegang dan tidak boleh dipindahmilikkan.

38. Suatu lesen melombong individu hendaklah menjadi khas untuk pemegangnya dan tidak boleh dipindahmilikkan.

Hak di bawah lesen melombong individu.

39. Suatu lesen melombong individu hendaklah, tertakluk kepada Enakmen ini dan kepada terma atau syarat yang dinyatakan dalam lesen itu, memberi pemegangnya hak—

- (a) melombong apa-apa mineral yang dinyatakan dalam lesen itu;
- (b) menyimpan, mengangkut atau menjual mineral yang dikeluarkan dan membuang apa-apa buangan; dan
- (c) memperolehi dan menggunakan air, pasir dan kelikir yang diperlukan untuk perlombongan,

di dalam kawasan melombong individu.

Penggantungan dan pembatalan lesen melombong individu.

40. (1) Pengarah boleh pada bila-bila masa yang difikirkannya perlu menggantungkan sementara secara kolektif, bagi suatu tempoh tidak melebihi enam puluh hari, hak semua pemegang lesen melombong individu untuk menjalankan pengendalian melombong di mana-mana kawasan.

(2) Pengarah boleh, melalui notis secara bertulis, membatalkan suatu lesen melombong individu yang dikeluarkan di bawah seksyen 35 jika dia berpuas hati bahawa pemegang lesen itu—

- (a) telah memungkiri mana-mana terma atau syarat yang dinyatakan dalam lesen itu; atau

(3) Keputusan Pengarah untuk menggantung atau membatalkan suatu lesen melombong individu di bawah seksyen ini adalah muktamad.

(4) Jika suatu lesen melombong individu telah dibatalkan di bawah subseksyen (2), pemegang lesen itu hendaklah dengan serta-merta menyerahkan lesen itu kepada Pengarah.

BAB 4

LESEN MENCARIGALI DAN LESEN PENJELAJAHAN

41. (1) Sesuatu permohonan untuk mendapatkan suatu lesen mencarigali atau lesen penjelajahan hendaklah dibuat kepada Pihak Berkuasa Negeri dalam bentuk yang ditetapkan.

Permohonan untuk mendapatkan lesen mencarigali atau lesen penjelajahan.

(2) Apabila permohonan di bawah subseksyen (1) diterima, Pihak Berkuasa Negeri hendaklah merujuk permohonan itu kepada Jawatankuasa untuk mendapatkan syornya.

(3) Dalam menimbangkan permohonan untuk mendapatkan suatu lesen mencarigali atau lesen penjelajahan bagi maksud membuat syornya, Jawatankuasa hendaklah menentusahkan bahawa pemohon itu—

(a) telah mematuhi kehendak Enakmen ini; dan

(b) adalah layak dari segi teknikal dan kewangan untuk menjelajah kawasan yang dimaksudkan itu.

(4) Jawatankuasa hendaklah, dengan seberapa segera yang praktik selepas menimbangkan permohonan itu, menghantar kepada Pihak Berkuasa Negeri laporan dan syornya sama ada permohonan itu patut—

(a) diluluskan, keseluruhannya atau sebahagiannya—

(i) dengan mengesahkan bahawa pemohon itu

- (ii) dengan menyatakan terma atau syarat yang tertakluk kepadanya lesen mencarigali atau lesen penjelajahan, mengikut mana-mana yang berkenaan, hendaklah diberikan; atau

(b) ditolak.

(5) Apabila menerima laporan dan syor Jawatankuasa di bawah subseksyen (4), Pihak Berkuasa Negeri boleh meluluskan atau menolak permohonan itu sama ada atau tidak Jawatankuasa mengesyorkan kelulusan permohonan itu atau penolakannya dan keputusan Pihak Berkuasa Negeri adalah muktamad.

(6) Pihak Berkuasa Negeri hendaklah memberitahu—

- (a) pemohon;
- (b) Jawatankuasa; dan
- (c) Pengarah,

secara bertulis tentang keputusannya di bawah subseksyen (5).

(7) Jika permohonan untuk mendapatkan suatu lesen mencarigali atau lesen penjelajahan diluluskan Pengarah hendaklah, dengan seberapa segera yang praktik selepas diberitahu di bawah perenggan (6)(c), dan apabila dibayar fi yang ditetapkan dan fi pegangan bagi tahun pertama, mendaftarkan suratcara lesen itu dan mengeluarkan kepada pemohon itu—

- (a) suatu lesen mencarigali dalam Borang D yang dinyatakan dalam Jadual I tertakluk kepada apa-apa terma atau syarat yang dinyatakan dalamnya atau yang ditetapkan; atau
- (b) suatu lesen penjelajahan dalam Borang E yang dinyatakan dalam Jadual I tertakluk kepada apa-

(8) Jika pemohon itu tidak membayar fi yang ditetapkan dan fi pegangan bagi tahun pertama sebagaimana yang dikehendaki di bawah subseksyen (7) dalam masa enam puluh hari selepas diberitahu tentang kelulusan lesen mencarigali atau lesen penjelajahan, mengikut mana-mana yang berkenaan, kelulusan itu hendaklah disifatkan terbatal.

42. (1) Adalah menjadi suatu-syarat bagi tiap-tiap lesen mencarigali atau lesen penjelajahan yang diberikan di bawah Enakmen ini bahawa pemegang lesen itu—

Syarat
berkanun
lesen
mencarigali
atau lesen
penjelajahan.

(a) hendaklah mengemukakan apa-apa maklumat dan laporan aktiviti berkala yang ditetapkan; dan

(b) hendaklah membayar pampasan kepada:

(i) berhubungan dengan tanah bermilik atau tanah pendudukan, pemunya tanah itu;

(ii) berhubungan dengan tanah Kerajaan, Pihak Berkuasa Negeri; atau

(iii) berhubungan dengan tanah rizab atau kawasan hutan simpanan, pegawai yang pada masa ini mempunyai kawalan ke atas tanah itu,

bagi apa-apa kerugian, kerosakan atau gangguan pada tanah dan harta;

(c) hendaklah membaikpulih kawasan mencarigali atau penjelajahan itu ke suatu keadaan yang selamat dan mengikut apa-apa standard alam sekeliling sebagaimana yang ditetapkan atau untuk mengekalkannya;

(d) hendaklah melepaskan mana-mana kawasan yang dikehendaki oleh Pihak Berkuasa Negeri bagi sesuatu maksud awam selain daripada bagi apa-

- (e) hendaklah mematuhi apa-apa perbelanjaan program kerja tahunan dan kehendak pelepasan kawasan sebagaimana yang ditetapkan; dan hendaklah tiada perubahan mengenai paras perbelanjaan program kerja tahunan yang ditetapkan daripada paras yang ditetapkan pada tarikh pengeluaran lesen penjelajahan selama tempoh lesen itu.

(2) Bagi maksud menentukan paras perbelanjaan program kerja tahunan yang disebut dalam perenggan (1)(e), perbelanjaan program kerja tahunan itu hendaklah berdasarkan satu unit kawasan yang terdiri daripada satu ratus hektar.

Tempoh dan pembaharuan lesen mencarigali atau lesen penjelajahan.

43. (1) Tertakluk kepada seksyen ini—

- (a) suatu lesen mencarigali hendaklah penjelajahan dikeluarkan selama tempoh penjelajahan tidak melebihi dua tahun; dan
- (b) suatu lesen penjelajahan hendaklah dikeluarkan selama tempoh tidak melebihi sepuluh tahun.

(2) Sesuatu permohonan untuk membaharui suatu lesen mencarigali atau lesen penjelajahan hendaklah dibuat kepada Pihak Berkuasa Negeri dalam bentuk yang ditetapkan—

- (a) dalam hal lesen mencarigali, sekurang-kurangnya enam bulan; dan
- (b) dalam hal lesen penjelajahan, sekurang-kurangnya dua belas bulan,

sebelum habis tempoh lesen mencarigali atau lesen penjelajahan itu, mengikut mana-mana yang berkenaan.

(3) Pihak Berkuasa Negeri atau mana-mana pegawai yang diberikuasa secara bertulis olehnya hendaklah, dengan seberapa segera yang praktik apabila menerima permohonan untuk membaharui lesen mencarigali atau

mendaftarkan permohonan itu mengikut apa-apa cara yang ditetapkan.

(4) Jika permohonan untuk membaharui suatu lesen mencarigali dibuat kepada Pihak Berkuasa Negeri sekurang-kurangnya enam bulan sebelum habis tempoh lesen itu, Pihak Berkuasa Negeri atau mana-mana pegawai yang diberikuasa secara bertulis olehnya hendaklah, dalam masa tiga bulan dari tarikh pendaftarannya, membaharui lesen itu selama suatu tempoh selanjutnya tidak melebihi dua tahun jika—

- (a) pemegang lesen itu telah mematuhi terma atau syarat yang dinyatakan dalam lesen itu;
- (b) pemegang lesen itu telah mematuhi peruntukan Enakmen ini;
- (c) pemegang lesen itu boleh menunjukkan sehingga memuaskan hati Pihak Berkuasa Negeri atau mana-mana pegawai yang diberikuasa secara bertulis olehnya bahawa mencarigali selanjutnya adalah wajar; dan
- (d) jumlah tempoh lesen mencarigali itu termasuk apa-apa pembaharuan tidaklah melebihi empat tahun.

(5) Jika permohonan untuk membaharui suatu lesen penjelajahan dibuat kepada Pihak Berkuasa Negeri sekurang-kurangnya dua belas bulan sebelum habis tempoh lesen itu, Pihak Berkuasa Negeri atau mana-mana pegawai yang diberikuasa secara bertulis olehnya hendaklah, dalam masa enam bulan dari tarikh pendaftarannya, membaharui lesen itu selama suatu tempoh selanjutnya tidak melebihi lima tahun jika—

- (a) pemegang lesen itu telah mematuhi terma atau syarat yang dinyatakan dalam lesen itu;
- (b) pemegang lesen itu telah mematuhi peruntukan Enakmen ini;
- (c) pemegang lesen itu boleh menunjukkan sehingga

bertulis olehnya bahawa penjelajahan selanjutnya adalah wajar; dan

- (d) jumlah tempoh lesen penjelajahan itu termasuk apa-apa pembaharuan tidaklah melebihi lima belas tahun.

(6) Jika suatu permohonan untuk pembaharuan dibuat kepada Pihak Berkuasa Negeri—

- (a) dalam hal lesen mencarigali, kurang dari enam bulan; atau
 (b) dalam hal lesen penjelajahan, kurang dari dua belas bulan,

sebelum habis tempoh lesen mencarigali atau lesen penjelajahan itu, mengikut mana-mana yang berkenaan, Pihak Berkuasa Negeri boleh—

- (i) menimbangkan untuk meluluskan permohonan itu jika pemegang lesen itu memenuhi syarat yang dinyatakan dalam subseksyen (4) atau (5); tetapi hendaklah mengenakan ke atas pemegang lesen itu, apabila membaharui lesen itu, suatu fi pengemukaan lewat mengikut apa-apa amaun yang ditetapkan; atau
 (ii) menolak permohonan itu.

(7) Mana-mana keputusan—

- (a) Pihak Berkuasa Negeri atau mana-mana pegawai yang diberikuasa secara bertulis olehnya di bawah subseksyen (4) atau (5); atau
 (b) Pihak Berkuasa Negeri di bawah subseksyen (6),

adalah muktamad.

Terma atau syarat dan pengendorsan apabila lesen dibaharui.

44. Apabila suatu lesen mencarigali atau lesen penjelajahan dibaharui, mengikut mana-mana yang berkenaan, Pihak Berkuasa Negeri—

- (a) boleh mengenakan apa-apa terma atau syarat

mana-mana kawasan yang dilepaskan sebelum atau pada masa pembaharuan itu; dan

- (b) hendaklah mengendorskan butir pembaharuan itu pada lesen itu.

45. (1) Sesuatu permohonan untuk mendapatkan suatu peluasan lesen mencarigali untuk mencarigali mineral yang terdapat di dalam mendapan batuan keras hendaklah dibuat oleh pemegang lesen mencarigali kepada Pihak Berkuasa Negeri dalam bentuk yang ditetapkan.

Lesen mencarigali dengan peluasan batuan keras.

(2) Pihak Berkuasa Negeri atau mana-mana pegawai yang diberikuasa secara bertulis olehnya boleh, apabila menerima permohonan di bawah subseksyen (1), memberi suatu lesen mencarigali dengan peluasan batuan keras tertakluk kepada apa-apa terma atau syarat yang dinyatakan dalam peluasan itu atau yang ditetapkan.

(3) Suatu lesen mencarigali dengan peluasan batuan keras boleh diberikan selama tempoh tidak melebihi sepuluh tahun bermula dari tarikh asal pengeluaran lesen mencarigali itu.

46. (1) Jika sesuatu permohonan—

- (a) untuk membaharui suatu lesen mencarigali;
 (b) untuk membaharui suatu lesen penjelajahan; atau
 (c) untuk peluasan suatu lesen mencarigali di bawah seksyen 45,

Fi pembaharuan atau peluasan.

telah diluluskan, kelulusan itu hendaklah berkuatkuasa—

- (i) dalam hal lesen mencarigali atau lesen penjelajahan, apabila dibayar fi yang ditetapkan;
 (ii) dalam hal peluasan lesen mencarigali, apabila dibayar fi yang ditetapkan dan fi

(2) Jika pemohon itu gagal membayar fi yang ditetapkan, dan fi pegangan bagi tahun pertama, mengikut mana-mana yang berkenaan, bagi pembaharuan atau peluasan yang disebut dalam subseksyen (1) dalam masa enam puluh hari selepas diberitahu tentang kelulusannya, kelulusan itu hendaklah disifatkan terbatal.

Pemindah-
milikan lesen
mencarigali
atau lesen
penjelajahan.

47. (1) Suatu lesen mencarigali boleh dipindahmilikkan—

(a) jika lesen itu telah diberikan peluasan batuan keras di bawah seksyen 45; atau

(b) di atas kematian, pembubaran atau ketidakupayaan lain di sisi undang-undang pemegang lesen itu.

(2) Suatu lesen penjelajahan boleh dipindahmilikkan.

(3) Sesuatu permohonan untuk memindahmilikkan suatu lesen mencarigali atau lesen penjelajahan hendaklah mengikut apa-apa cara yang diperuntukkan di bawah seksyen 19.

Kawasan
bagi lesen
mencarigali
atau lesen
penjelajahan.

48. (1) Tertakluk kepada subseksyen (2) dan (3), kawasan bagi penjelajahan.

(a) suatu lesen mencarigali yang diberikan di bawah Enakmen ini tidak boleh melebihi empat ratus hektar; dan

(b) suatu lesen penjelajahan yang diberikan di bawah Enakmen ini hendaklah melebihi empat ratus hektar tetapi tidak boleh melebihi dua puluh ribu hektar.

(2) Apa-apa bilangan lesen mencarigali boleh diberikan kepada mana-mana orang:

Dengan syarat bahawa tiada seorang pun boleh diberikan di bawah lesen berganda suatu kawasan berdampingan melebihi lapan ratus hektar.

(3) Apa-apa bilangan lesen penjelajahan boleh diberikan kepada mana-mana orang:

Dengan syarat bahawa tiada seorang pun boleh diberikan di bawah lesen berganda suatu kawasan berdampingan melebihi empat puluh ribu hektar.

49. Suatu lesen mencarigali atau lesen penjelajahan, mengikut mana-mana yang berkenaan, hendaklah, tertakluk kepada Enakmen ini dan kepada terma atau syarat yang dinyatakan dalam lesen itu, memberi pemegangnya hak—

Hak di bawah lesen mencarigali atau lesen penjelajahan.

- (a) mendapatkan akses dan memasuki kawasan mencarigali atau penjelajahan;
- (b) menjelajah secara eksklusif untuk mendapatkan apa-apa mineral di dalam had kawasan mencarigali atau penjelajahan;
- (c) mendapatkan sampel di dalam had kawasan mencarigali atau penjelajahan dan memindahkan sampel itu; dan
- (d) menggunakan air, pasir dan kerikil, yang dikehendaki bagi penjelajahan di dalam had kawasan mencarigali atau penjelajahan.

50. Mana-mana pemegang lesen mencarigali atau lesen penjelajahan boleh, melalui notis secara bertulis, dalam apa-apa bentuk dan cara yang ditetapkan, melepaskan mana-mana kawasan yang berkenaan dengannya lesen itu telah diberikan pada tiap-tiap tarikh lesen itu genap setahun.

Pelepasan sukarela.

51. (1) Tertakluk kepada subseksyen (2), (3) atau (4) dan peruntukan lain Enakmen ini, pemegang lesen mencarigali atau lesen penjelajahan boleh memohon untuk mendapatkan satu atau lebih pajakan melombong berkenaan dengan mana-mana bahagian tanah yang tertakluk kepada lesen itu.

Permohonan untuk mendapatkan pemberian pajakan melombong oleh pemegang

(2) Jika tanah yang berkenaan dengannya lesen mencarigali atau lesen penjelajahan telah diberikan terdiri daripada, keseluruhannya atau sebahagiannya, tanah bermilik atau tanah pendudukan jangkaan hakmilik, hak pemegang lesen itu untuk diberikan pajakan melombong ke atas tanah itu hendaklah tertakluk kepada syarat—

- (a) bahawa pemegang lesen itu mempunyai ketuanpunyaan tanah itu; atau
- (b) bahawa pemegang lesen itu telah membayar kos pengambilannya dan tanah berkenaan telah diambil sedemikian; dan
- (c) bahawa Jawatankuasa telah mengesyorkan supaya permohonan itu diluluskan.

(3) Jika tanah yang berkenaan dengannya suatu lesen mencarigali atau lesen penjelajahan telah diberikan terdiri daripada, keseluruhannya atau sebahagiannya, tanah rizab atau kawasan hutan simpanan, hak pemegang lesen itu untuk diberikan pajakan melombong ke atas tanah itu hendaklah tertakluk kepada syarat—

- (a) bahawa perizaban itu telah dibatalkan; dan
- (b) bahawa Jawatankuasa telah mengesyorkan supaya permohonan itu diluluskan.

(4) Jika tanah yang berkenaan dengannya lesen mencarigali atau lesen penjelajahan telah diberikan terdiri daripada, keseluruhannya atau sebahagiannya, tanah pendudukan selain daripada tanah pendudukan jangkaan hakmilik, hak pemegang lesen itu untuk diberikan pajakan melombong ke atas tanah itu hendaklah tertakluk kepada syarat—

- (a) bahawa hak pendudukan itu telah ditamatkan; dan
- (b) bahawa Jawatankuasa telah mengesyorkan supaya

(5) Subseksyen (2), (3) dan (4) tidaklah terpakai jika pemegang lesen mencarigali atau lesen penjelajahan memohon untuk mendapatkan pajakan melombong berkenaan dengan mana-mana tanah di bawah tanah bermilik.

52. (1) Pemegang lesen mencarigali hendaklah lapangan memulakan penjelajahan lapangan dalam masa tiga bulan dari tarikh lesen mencarigali itu dikeluarkan.

Permulaan
penjelajahan
lapangan.

(2) Pemegang lesen penjelajahan hendaklah memulakan penjelajahan lapangan dalam masa dua belas bulan dari tarikh lesen penjelajahan itu dikeluarkan.

(3) Pemegang lesen mencarigali atau lesen penjelajahan hendaklah, apabila bermulanya penjelajahan lapangan, menghantar suatu notis bertulis sebagaimana yang ditetapkan kepada Pengarah, Penguasa Lombong dan Ketua Pengarah Penyiasatan Kajibumi, dan sekiranya kawasan mencarigali atau penjelajahan itu termasuklah mana-mana tanah rizab atau kawasan hutan simpanan kepada pegawai yang pada masa ini mempunyai kawalan ke atas tanah itu, menyatakan—

- (a) nombor lesen mencarigali atau lesen penjelajahan itu;
- (b) nama dan alamat pemegang lesen mencarigali atau lesen penjelajahan itu; dan
- (c) tarikh bermulanya penjelajahan lapangan.

(4) Dalam seksyen ini, "penjelajahan lapangan" ertinya aktiviti penjelajahan yang dilaksanakan secara fizikal di dalam kawasan mencarigali atau penjelajahan dan termasuklah pengukuran geofizik dan geomagnet awangan dan pengukuran lain yang berhubungan.

53. Pemegang lesen mencarigali atau lesen penjelajahan hendaklah mengemukakan suatu notis penemuan dalam apa-apa bentuk yang ditetapkan, dalam masa dua belas bulan dari penemuan ana-ana mendapati mineral yang

Notis
penemuan.

Lombong dan Ketua Pengarah Penyiasatan Kajibumi bersama-sama dengan apa-apa maklumat yang perlu bagi mengesahkan kewujudan mendapan mineral itu.

Pensampelan
pukal, ujian
pemprosesan
dan
penjualan
spesimen dan
sampel.

54. (1) Pemegang lesen mencarigali atau lesen penjelajahan adalah berhak mengambil dan memindahkan dari tanah spesimen dan sampel yang tidak melebihi had yang dinyatakan dalam lesen itu atau yang ditetapkan.

(2) Pemegang lesen penjelajahan adalah berhak membuat—

(a) pensampelan pukal; dan

(b) ujian pemprosesan,

apa-apa bijih mineral yang diperolehi dari kawasan penjelajahan tidak melebihi apa-apa had yang dinyatakan dalam lesen itu atau sebagaimana yang ditetapkan.

(3) Dengan terlebih dahulu mendapat kebenaran bertulis Pengarah—

(a) pemegang lesen mencarigali bolehlah menjual apa-apa spesimen atau sampel yang diperolehi bagi maksud mencarigali; dan

(b) pemegang lesen penjelajahan bolehlah menjual apa-apa spesimen atau sampel yang diperolehi bagi maksud penjelajahan atau daripada pensampelan pukal dan ujian pemprosesan,

dan hasil daripada mana-mana jualan itu hendaklah tertakluk kepada pembayaran royalti seolah-olah spesimen atau sampel itu diperolehi di bawah suatu pajakan melombong.

(4) Dalam seksyen ini, ungkapan “pensampelan pukal” dan “ujian pemprosesan” ertinya pemungutan dan pengolahan masing-masingnya, daripada sesuatu bahagian jisim mendapan itu semata-mata bagi maksud menentukan daya maju terunjur bagi membangunkan

55. (1) Jika suatu permohonan untuk membaharui suatu lesen mencarigali atau lesen penjelajahan dibuat kepada Pihak Berkuasa Negeri—

- (a) dalam tempoh yang disebut dalam subseksyen 43(2); dan
- (b) lesen mencarigali atau lesen penjelajahan itu sepatutnya habis tempoh jika tidak kerana subseksyen ini,

Lesen mencarigali atau lesen penjelajahan hendaklah terus berkuatkuasa sehingga permohonan untuk pembaharuan ditentukan.

maka lesen mencarigali atau lesen penjelajahan itu hendaklah terus berkuatkuasa sehingga permohonan itu ditentukan tetapi hendaklah disifatkan telah habis tempoh pada tarikh permohonan tersebut ditolak.

(2) Jika permohonan untuk mendapatkan suatu lesen mencarigali dengan peluasan batuan keras, atau pajakan melombong, atau lesen melombong tuan punya, dibuat oleh pemegang lesen mencarigali atau lesen penjelajahan—

- (a) semasa lesen carigali atau lesen penjelajahan itu masih berkuatkuasa; dan
- (b) lesen mencarigali atau lesen penjelajahan itu sepatutnya habis tempoh jika tidak kerana subseksyen ini,

maka lesen mencarigali atau lesen penjelajahan itu hendaklah terus berkuatkuasa berkenaan dengan tanah yang menjadi subjek permohonan itu sehingga permohonan itu ditentukan, dan tanah yang tidak menjadi subjek permohonan itu hendaklah disifatkan telah dilepaskan.

56. (1) Pihak Berkuasa Negeri boleh, selepas berunding dengan Jawatankuasa, membatalkan suatu lesen mencarigali atau lesen penjelajahan jika ia berpuas hati bahawa pemegang lesen itu—

- (a) telah memungkirinya mana-mana terma atau syarat yang dinyatakan dalam lesen itu; atau
- (b) telah melanggar mana-mana peruntukan

Pembatalan lesen mencarigali atau lesen penjelajahan.

(2) Bagi maksud subseksyen (1), Pihak Berkuasa Negeri hendaklah menyampaikan atau menyebabkan disampaikan kepada pemegang lesen mencarigali atau lesen penjelajahan notis bertulis tentang niatnya untuk membatalkan lesen itu dan alasan yang berdasarkannya ia bercadang mengambil tindakan sedemikian, dan ia hendaklah memberi pemegang lesen itu peluang untuk membuat representasi bertulis mengenainya dalam masa tiga puluh hari dari tarikh penyampaian notis itu.

(3) Pihak Berkuasa Negeri hendaklah juga menyampaikan atau menyebabkan disampaikan kepada mana-mana orang atau badan—

- (a) yang mempunyai suatu kepentingan yang sah menyentuh tanah yang berkenaan dengannya lesen itu telah diberikan; atau
- (b) yang secara sah menduduki mana-mana bahagian tanah yang berkenaan dengannya lesen itu telah diberikan,

suatu salinan notis bertulis yang disebut dalam subseksyen (2) yang padanya hendaklah dilampirkan notis tambahan dalam apa-apa bentuk yang ditetapkan.

(4) Apabila habis tempoh tiga puluh hari yang disebut dalam subseksyen (2) dan selepas menimbangkan apa-apa representasi yang dibuat oleh pemegang lesen itu dan selepas mengadakan suatu siasatan, Pihak Berkuasa Negeri hendaklah memutuskan—

- (a) sama ada hendak meneruskan tindakan yang dicadangkan itu;
- (b) sama ada hendak mengambil tindakan di bawah seksyen 57; atau
- (c) sama ada tidak akan mengambil tindakan selanjutnya.

(5) Pihak Berkuasa Negeri hendaklah memberi pemegang lesen mencarigali atau lesen penjelajahan itu

57. (1) Jika Pihak Berkuasa Negeri berpuas hati, selepas berunding dengan Jawatankuasa, bahawa ada alasan yang membolehkan kuasanya untuk membatalkan lesen mencarigali atau lesen penjelajahan, mengikut mana-mana yang berkenaan, dijalankan di bawah perenggan 56(4)(a) tetapi hal keadaan tidaklah sedemikian rupa sehingga mewajarkan pembatalan, maka Pihak Berkuasa Negeri boleh mengikut budi bicaranya—

Pengenaan denda, meremedikan kemungkiran atau pelanggaran.

- (a) membuat suatu perintah bagi pembayaran denda tidak melebihi dua ratus ribu ringgit dalam masa yang dinyatakan; atau
- (b) mengeluarkan suatu notis dalam apa-apa bentuk dan cara yang ditetapkan, menyatakan tindakan yang perlu diambil untuk meremedikan kemungkiran atau pelanggaran dalam masa yang dinyatakan.

(2) Pihak Berkuasa Negeri hendaklah memberi pemegang lesen mencarigali atau lesen penjelajahan notis bertulis tentang keputusannya di bawah subseksyen (1).

(3) Apabila notis di bawah subseksyen (2) disampaikan, Pihak Berkuasa Negeri hendaklah mengendorskan atau menyebabkan diendorskan butir tentang—

- (a) perintah yang dibuat di bawah perenggan (1)(a); atau
- (b) notis yang dikeluarkan di bawah perenggan (1)(b),

mengikut mana-mana yang berkenaan, pada lesen mencarigali atau lesen penjelajahan yang disimpan dalam daftar yang disebut dalam seksyen 115.

(4) Jika perintah yang dibuat di bawah perenggan (1)(a) dipatuhi, pengendorsan di bawah subseksyen (3) hendaklah dengan demikian itu dikenselkan.

(5) Jika perintah yang dibuat di bawah perenggan (1)(a) tidak dipatuhi, Pihak Berkuasa Negeri hendaklah membuat suatu perintah mengisytiharkan lesen mencarigali atau lesen penjelajahan itu, mengikut mana-mana yang berkenaan, terbatal.

(6) Walau apa pun subseksyen (4), jika Pihak Berkuasa Negeri berpuas hati bahawa kemungkiran atau pelanggaran itu berterusan, maka ia hendaklah membuat suatu perintah mengisytiharkan lesen mencarigali atau lesen penjelajahan itu, mengikut mana-mana yang berkenaan, terbatal.

(7) Jika notis yang dikeluarkan di bawah perenggan (1)(b) dipatuhi, pengendorsan di bawah subseksyen (3) hendaklah dengan demikian itu dikenselkan.

(8) Jika notis yang dikeluarkan di bawah perenggan (1)(b) tidak patuhi, Pihak Berkuasa Negeri hendaklah membuat suatu perintah mengisytiharkan lesen mencarigali atau lesen penjelajahan itu, mengikut mana-mana yang berkenaan, terbatal.

(9) Walau apa pun subseksyen (7), jika Pihak Berkuasa Negeri berpuas hati bahawa kemungkiran atau pelanggaran itu berterusan, maka ia hendaklah membuat suatu perintah mengisytiharkan lesen mencarigali atau lesen penjelajahan itu, mengikut mana-mana yang berkenaan, terbatal.

Bila
pembatalan
mula
berkuatkuasa.

58. (1) Pembatalan suatu lesen mencarigali atau lesen penjelajahan hendaklah mula berkuatkuasa pada tarikh perintah pembatalan itu dibuat di bawah seksyen 56, 57 atau 98, mengikut mana-mana yang berkenaan.

(2) Jika suatu perintah pembatalan yang disebut dalam subseksyen (1) telah dibuat, pemegang lesen itu hendaklah dengan serta-merta menyerahkan lesen itu kepada Pihak Berkuasa Negeri

59. Jika suatu lesen mencarigali atau lesen penjelajahan telah dibatalkan atau habis tempoh, mengikut mana-mana yang berkenaan, Pengarah hendaklah mencatatkan atau menyebabkan dicatatkan suatu memorial tentang pembatalan atau habis tempoh itu dalam daftar yang dalamnya lesen itu direkodkan sebagaimana yang diperuntukkan di bawah seksyen 120.

Catatan dalam daftar.

60. (1) Sesuatu permohonan untuk menyerahkan suatu lesen mencarigali atau lesen penjelajahan hendaklah dibuat kepada Pengarah dalam bentuk yang ditetapkan.

Penyerahan lesen mencarigali atau lesen penjelajahan.

(2) Tanggungan pemegang lesen mencarigali atau lesen penjelajahan—

- (a) untuk membayar apa-apa fi, royalti, penalti atau wang lain yang kena dibayar pada atau sebelum tarikh penyerahan itu;
- (b) untuk melaksanakan apa-apa obligasi yang dikehendaki dilaksanakan pada atau sebelum tarikh penyerahan itu; dan
- (c) bagi apa-apa perbuatan yang dilakukan atau keingkaran yang dibuat pada atau sebelum tarikh penyerahan itu,

adalah tidak terjejas dengan penyerahan lesen di bawah subseksyen (1).

61. (1) Jika suatu lesen mencarigali atau lesen penjelajahan dibatalkan atau diserahkan, tiada permohonan untuk mendapatkan sama ada lesen mencarigali atau lesen penjelajahan boleh dipertimbangkan untuk diluluskan berkenaan dengan kawasan yang sama atau mana-mana kawasan di dalam atau yang bertindih dengan kawasan mencarigali atau penjelajahan yang dahulu dalam tempoh satu tahun dari tarikh pembatalan atau penyerahan itu, mengikut mana-mana yang berkenaan.

Sekatan ke atas permohonan untuk mendapatkan lesen mencarigali atau lesen penjelajahan.

(2) Walau apa pun seksyen 43, mana-mana bekas

tahun atau lima belas tahun masing-masingnya hendaklah diberikan keutamaan bagi permohonan untuk mendapatkan sama ada lesen mencarigali atau lesen penjelajahan berkenaan dengan kawasan yang sama atau mana-mana kawasan di dalam atau yang bertindih dengan kawasan mencarigali atau penjelajahan yang dahulu:

Dengan syarat bahawa tiada permohonan sedemikian boleh dipertimbangkan untuk kelulusan dalam tempoh satu tahun dari tarikh habis tempoh jumlah tempoh maksimum lesen tersebut.

BAB 5

PAJAKAN MELOMBONG

Tanah yang ke atasnya pajakan melombong boleh diberikan.

62. (1) Tertakluk kepada subseksyen (2), suatu pajakan melombong boleh diberikan oleh Pihak Berkuasa Negeri ke atas mana-mana tanah Kerajaan, termasuklah tanah Kerajaan di bawah tanah bermilik.

(2) Tertakluk kepada seksyen 51, tiada pajakan melombong boleh diberikan berkenaan dengan mana-mana kawasan di dalam kawasan mencarigali atau penjelajahan yang berkenaan dengannya suatu lesen mencarigali atau lesen penjelajahan telah diberikan kecuali dengan kebenaran bertulis pemegang lesen itu.

Permohonan untuk mendapatkan pajakan melombong.

63. (1) Sesuatu permohonan untuk mendapatkan suatu pajakan melombong hendaklah dibuat kepada Pihak Berkuasa Negeri dalam bentuk yang ditetapkan.

(2) Sesuatu permohonan untuk mendapatkan suatu pajakan melombong hendaklah disertakan dengan suatu kajian prakebolehlaksanaan yang hendaklah termasuk—

(a) suatu perihal am skim melombong yang dicadangkan;

(b) tarikh permulaan pengeluaran mineral yang dijangkakan (yang hendaklah dinyatakan sebagai bilangan bulan dari tarikh pajakan melombong itu dibelakangkan).

- (c) suatu jadual pengeluaran tahunan bijih mentah yang dianggarkan bagi tempoh pajakan melombong itu;
- (d) apa-apa maklumat yang ditetapkan; dan
- (e) apa-apa maklumat lain yang semunasabahnya dikehendaki oleh Pihak Berkuasa Negeri dalam menunaikan fungsinya berhubungan dengan permohonan itu.

(3) Apabila permohonan di bawah subseksyen (1) diterima, Pihak Berkuasa Negeri hendaklah merujuk permohonan itu kepada Jawatankuasa untuk mendapatkan syornya.

(4) Dalam menimbangkan permohonan untuk mendapatkan suatu pajakan melombong bagi maksud membuat syornya, Jawatankuasa hendaklah menentusahkan bahawa pemohon itu—

- (a) telah mematuhi kehendak Enakmen ini; dan
- (b) adalah layak dari segi teknik dan kewangan untuk membangun dan melombong kawasan yang dimaksudkan dalam permohonan itu.

(5) Jawatankuasa hendaklah, dengan seberapa segera yang praktik selepas menimbangkan permohonan itu, menghantar kepada Pihak Berkuasa Negeri laporan dan syornya sama ada permohonan itu patut—

- (a) diluluskan, keseluruhannya atau sebahagiannya—
 - (i) dengan mengesahkan bahawa pemohon itu telah mematuhi kehendak Enakmen ini; dan
 - (ii) dengan menyatakan terma atau syarat yang tertakluk kepadanya pajakan itu boleh diberikan; atau

(6) Apabila menerima laporan dan syor Jawatankuasa di bawah subseksyen (5), Pihak Berkuasa Negeri boleh, tertakluk kepada subseksyen (8) dan mana-mana peruntukan lain Enakmen ini, meluluskan atau menolak permohonan itu sama ada atau tidak Jawatankuasa mengesyorkan kelulusan permohonan itu atau penolakannya dan keputusan Pihak Berkuasa Negeri adalah muktamad.

(7) Pihak Berkuasa Negeri hendaklah memberitahu—

- (a) pemohon;
- (b) Jawatankuasa; dan
- (c) Pengarah,

secara bertulis tentang keputusannya di bawah subseksyen (6).

(8) Dalam hal jika—

- (a) Jawatankuasa membuat syor supaya suatu pajakan melombong diluluskan kepada dua pemohon atau lebih;
- (b) kawasan yang dimaksudkan dalam permohonan itu bertindih keseluruhannya atau sebahagiannya; dan
- (c) kawasan yang bertindih itu tidaklah tertakluk kepada suatu lesen mencarigali atau lesen penjelajahan,

Pihak Berkuasa Negeri boleh memberikan kawasan yang bertindih itu kepada pemohon yang didapatinya paling layak untuk melombong kawasan itu.

(9) Suatu pajakan melombong yang diberikan di bawah seksyen ini hendaklah menyatakan sama ada penerima pajak dibenarkan menjalankan—

- (a) suatu pengendalian skala kecil; atau
- (b) suatu pengendalian skala besar.

(10) Mana-mana orang yang, pada masa permohonan itu—

- (a) memegang suatu lesen mencarigali atau lesen penjelajahan yang sah yang meliputi kawasan tanah yang dimaksudkan dalam permohonan itu;
- (b) memegang suatu pajakan melombong yang sah yang membenarkan pengendalian skala besar bagi kawasan tanah yang dimaksudkan dalam permohonan itu dan memohon untuk mengubah pajakan itu kepada pajakan melombong yang membenarkan pengendalian skala kecil;
- (c) memegang suatu pajakan melombong yang sah yang meliputi kawasan tanah berdampingan dengan kawasan tanah yang dimaksudkan dalam permohonan itu; atau
- (d) boleh menunjukkan sehingga memuaskan hati Jawatankuasa bahawa paras kerja penjelajahan atau perlombongan yang dahulu, atau kedua-duanya, di dalam kawasan itu atau kawasan yang bersempadanan dengan tanah yang dimaksudkan dalam permohonan itu memberi maklumat geologi yang mencukupi bagi menyokong permohonan itu,

boleh dibenarkan untuk menjalankan suatu pengendalian skala kecil.

(11) Mana-mana orang yang, pada masa permohonan itu—

- (a) memegang suatu lesen mencarigali atau lesen penjelajahan yang sah yang meliputi kawasan tanah yang dimaksudkan dalam permohonan itu; atau
- (b) memegang suatu pajakan melombong yang sah yang membenarkan pengendalian skala kecil bagi kawasan tanah yang dimaksudkan dalam

permohonan itu dan memohon untuk mengubah pajakan itu kepada pajakan melombong yang membenarkan pengendalian skala besar,

boleh dibenarkan untuk menjalankan suatu pengendalian skala besar.

(12) Jika permohonan untuk mendapatkan suatu pajakan melombong dibenarkan, Pengarah hendaklah, dengan seberapa segera yang praktik selepas diberitahu di bawah perenggan 7(c)—

- (a) apabila dibayar fi yang ditetapkan;
- (b) apabila dibayar sewa tahun pertama; dan
- (c) tertakluk kepada pematuhan kehendak pengukuran sempadan di bawah seksyen 65, dan apabila dibayar fi pengukuran, jika pengukuran dijalankan oleh Pegawai Ukur; dan
- (d) apabila dibayar fi bagi pelan pajakan melombong,

mengeluarkan kepada pemohon pajakan melombong dalam Borang F yang dinyatakan dalam Jadual I—

- (i) tertakluk kepada apa-apa terma atau syarat yang dinyatakan dalamnya atau yang ditetapkan; dan
- (ii) menyatakan sama ada pajakan melombong itu membenarkan suatu pengendalian skala kecil atau pengendalian skala besar.

(13) Jika pemohon itu gagal membayar fi yang ditetapkan, sewa tahun pertama dan fi pengukuran yang dikehendaki di bawah subseksyen (12) dalam masa enam puluh hari selepas diberitahu tentang kelulusan pajakan melombong itu, kelulusan itu hendaklah disifatkan terbatal.

(14) Seksyen 84 dan 96 Kanun Tanah Negara hendaklah terpakai bagi pengiraan amaun sewa yang dikehendaki dibayar di bawah subseksyen (12).

64. (1) Penerima pajak tidak boleh memulakan apa-apa kerja pembangunan atau perlombongan di atas tanah yang berkenaan dengannya pajakan telah diberikan sehingga selepas diluluskan—

- (a) suatu kajian kebolehlaksanaan melombong di bawah seksyen 73;
- (b) suatu pelan pemulihan, jika dikehendaki sedemikian, di bawah seksyen 126; dan
- (c) suatu penilaian kesan alam sekeliling, jika dikehendaki sedemikian, di bawah Akta Kualiti Alam Sekeliling 1974.

Hak melombong kontinjen pada kelulusan kajian kebolehlaksanaan melombong, pelan pemulihan, dsb., diperolehi.

(2) Penerima pajak dikehendaki memperolehi kelulusan bagi kajian, pelan dan dokumen yang disebutkan dalam subseksyen (1) dalam masa tiga tahun dari tarikh pajakan melombong itu dikeluarkan.

(3) Jika permohonan untuk mengubah pajakan yang membenarkan pengendalian skala kecil kepada pengendalian skala besar diluluskan, tiada perlombongan skala besar atau kerja pembangunan untuk melaksanakan perlombongan skala besar boleh dimulakan sehinggalah diperolehi kelulusan di bawah subseksyen (1).

65. (1) Jika permohonan untuk mendapatkan suatu pajakan melombong telah diluluskan, suatu pengukuran sempadan kawasan yang dinyatakan dalam permohonan itu hendaklah dijalankan atas perbelanjaan penerima pajak sebelum pajakan melombong itu dikeluarkan.

Pengukuran kawasan pajakan melombong.

(2) Peruntukan seksyen 10, 83, 114 dan 396 hingga 409A Kanun Tanah Negara berhubung dengan pengukuran bagi maksud pemberimilikan hendaklah,

berkenaan dengan pengukuran sempadan bagi maksud suatu pajakan melombong dan bagi apa-apa perkara pengukuran yang berhubungan dengannya:

Dengan syarat bahawa seksyen 403, 404 dan 405 tidak terpakai bagi tanda sempadan di atas suatu sempadan bersama yang dikongsi oleh dua pajakan melombong jika pajakan-pajakan itu dipegang oleh orang yang sama.

(3) Tiada kerja pembangunan atau perlombongan boleh dimulakan di bawah suatu pajakan melombong sehinggalah tanah lombong yang berkenaan dengannya pajakan itu diberikan telah diukur.

Tempoh dan pembaharuan pajakan melombong.

66. (1) Suatu pajakan melombong hendaklah diberikan selama hayat ekonomi maksimum lombong atau pengendalian melombong itu, mengikut mana-mana yang berkenaan, tetapi tidak boleh melebihi suatu tempoh permulaan selama dua puluh satu tahun.

(2) Suatu pajakan melombong boleh dibaharui keseluruhannya atau sebahagiannya selama tempoh berdasarkan hayat ekonomi lombong atau pengendalian melombong itu, mengikut mana-mana yang berkenaan, tetapi pembaharuan itu tidak boleh melebihi dua puluh satu tahun.

(3) Sesuatu permohonan untuk membaharui suatu pajakan melombong hendaklah dibuat kepada Pengarah dalam bentuk yang ditetapkan sekurang-kurangnya dua belas bulan sebelum habis tempoh pajakan melombong itu.

(4) Pengarah hendaklah, dengan seberapa segera yang praktik apabila menerima permohonan untuk membaharui pajakan melombong, mendaftarkan permohonan itu mengikut apa-apa cara yang ditetapkan.

(5) Jika permohonan untuk membaharui suatu pajakan melombong dibuat kepada Pengarah sekurang-kurangnya dua belas bulan sebelum habis tempoh pajakan itu

Pengarah hendaklah, dalam masa enam bulan dari tarikh pendaftarannya, membaharui pajakan itu jika—

- (a) penerima pajak telah mematuhi terma atau syarat yang dinyatakan dalam pajakan asal;
- (b) penerima pajak telah mematuhi kehendak Enakmen ini;
- (c) penerima pajak boleh menunjukkan sehingga memuaskan hati Pengarah bahawa terdapat rizab mineral yang mewajarkan suatu pembaharuan atau terdapat keperluan untuk mengekalkan harta itu untuk digunakan sebagai suatu bahagian integral pengendalian melombong di atas tanah lombong yang bersempadanan; dan
- (d) dalam hal suatu permohonan untuk membaharui pajakan melombong yang membenarkan pengendalian skala besar, suatu pelan pemulihan lombong yang diubahsuaikan telah diluluskan.

(6) Jika permohonan untuk membaharui suatu pajakan melombong ditolak oleh Pengarah, dia hendaklah memberitahu penerima pajak itu tentang keputusannya secara bertulis dengan menyatakan sebabnya.

(7) Mana-mana orang yang terkilan dengan keengganan Pengarah untuk membaharui pajakan melombong di bawah subseksyen (6) boleh, dalam masa tiga puluh hari selepas diberitahu tentang keengganan itu, merayu secara bertulis kepada Pihak Berkuasa Negeri yang keputusannya adalah muktamad.

(8) Dengan seberapa segera yang praktik selepas permohonan untuk membaharui pajakan melombong itu diluluskan, Pengarah hendaklah menyebabkan suatu

tandatangan dan meterainya, termasuk tarikh baru habis tempoh pajakan melombong itu, untuk direkodkan dalam daftar.

(9) Jika permohonan untuk membaharui suatu pajakan melombong dibuat kepada Pengarah—

(a) sekurang-kurangnya dua belas bulan sebelum habis tempoh pajakan itu; dan

(b) pajakan itu sepatutnya habis tempoh jika tidak kerana subseksyen ini,

maka pajakan itu hendaklah terus berkuatkuasa berkenaan dengan tanah yang dimaksudkan dalam permohonan itu sehinggalah permohonan itu ditentukan.

(10) Jika permohonan untuk membaharui suatu pajakan melombong dibuat kurang dari dua belas bulan sebelum habis tempoh pajakan itu, Pengarah boleh menimbangkan untuk meluluskan permohonan itu jika ia memenuhi syarat yang dinyatakan dalam subseksyen (5) tetapi hendaklah mengenakan ke atas penerima pajak itu, apabila pajakan itu dibaharui, suatu fi pengemukaan lewat mengikut apa-apa amaun yang ditetapkan.

Pemindah-
milikan
pajakan
melombong.

67. (1) Suatu pajakan melombong boleh dipindahmilikkan.

(2) Sesuatu permohonan untuk memindahmilikkan suatu pajakan melombong hendaklah mengikut apa-apa cara yang diperuntukkan di bawah seksyen 19.

Kawasan
pajakan
melombong.

68. Kawasan pajakan melombong yang diberikan di bawah Enakmen ini hendaklah seluas yang semunasabahnya dikehendaki bagi lombong itu sebagaimana yang ditentukan oleh Pihak Berkuasa Negeri selepas berunding dengan Jawatankuasa.

69. Tertakluk kepada peruntukan Enakmen ini, penerima pajak suatu pajakan melombong yang membenarkan pengendalian skala besar boleh memohon untuk mendapatkan dan hendaklah diberikan atas dasar keutamaan suatu lesen mencarigali atau lesen penjelajahan bagi kawasan-kawasan yang berdampingan dengan tanah lombong yang berkenaan dengannya pajakan melombong itu telah diberikan jika—

Penerima pajak hendaklah diberikan keutamaan apabila memohon untuk mendapatkan lesen mencarigali atau lesen penjelajahan berkenaan dengan kawasan berdampingan.

- (a) tiada tenemen mineral yang lain telah diberikan bagi tanah berdampingan itu;
- (b) penerima pajak itu telah mematuhi kehendak Enakmen ini; dan
- (c) penerima pajak itu telah mematuhi terma atau syarat yang dinyatakan dalam pajakan melombong itu.

70. (1) Suatu pajakan melombong hendaklah, tertakluk kepada Enakmen ini dan kepada terma atau syarat yang dinyatakan dalam pajakan itu, memberi penerima pajak hak—

Hak di bawah pajakan melombong.

- (a) melombong tanah yang berkenaan dengannya pajakan itu diberikan secara eksklusif mengikut—
 - (i) dalam hal suatu pajakan melombong yang membenarkan pengendalian skala kecil, kajian prakebolehlaksanaan yang dikemukakan di bawah seksyen 63; atau
 - (ii) dalam hal suatu pajakan melombong yang membenarkan pengendalian skala besar, kajian kebolehlaksanaan melombong yang diluluskan di bawah seksyen 73; dan
- (b) tertakluk kepada seksyen 71—
 - (i) dan mana-mana undang-undang lain berhubungan dengan mineral, menyimpan, mengangkut, memproses dan menjual apa-apa mineral yang dikeluarkan dan melupuskan apa-apa buangan;